


文苑英華

自八百八十
至八百九十



碑

內閣文庫			
函	冊	號	類
三四	100	三六二六	漢書

內閣文庫			
函	冊	號	類
三六	100	三七二六	漢書

內閣文庫			
番號	漢	3726	
冊數	100 (89)		
函號	361	53	



文苑英華卷第八百八十二

碑三十九

家廟三

東都留守令狐楚家廟碑一首

淺草文庫

天平軍節度使殷公家廟碑一首

淮南節度使檢校尚書左僕射趙郡李公家廟碑二首

首

東都留守令狐楚家廟碑

劉禹錫



今上元年七月十三日汴州刺史宣武軍節度副大使知

檢校禮部尚書兼御史大夫上柱國彭陽縣開國伯令狐

公西嚮拜章上言守臣楚蒙被恩澤列為元侯得立家廟

以奉常祀制書下其章不可於是善相考祥得地于集

作



於京師通濟里居無何所成公以守藩故申命季弟監
察御史定卜牲練日越八月丁亥榘棗三室埴墉以尚幽
設幄以迎精禮無尤遠神用寧謚第一室曰秦州上邽縣
尉諱濬以妣太原王氏配第二室曰綿州昌明縣令贈吏
部尚書諱崇亮以妣贈太原郡夫人河東柳氏配第三室
曰太原府功曹參軍贈司空三字集作太子太保諱丞集作承簡以妣
贈魏國太夫人富春孫氏配明年十月公由浚郊以介圭
入覲直拜戶部尚書進爵為侯既辭戎旃集作得以列侯
謁三廟是歲南至上不視朝又得以展時祭先期致齋栗
然以敬既齋盡志歆然永思奉其百順陳以具物始躋而
虔恭終獻而九瀾既卒事顛麗牲之石宜有刊紀乃俾家

文始封焉其易名曰文國語所謂令狐文子是也一作其

先周文王之昭畢公高之裔畢萬為晉卿始封于魏自萬
至顯蓋四世其後三十七世藍田侯虬仕拓跋魏為燉煌
郡太守子孫因家遂占數為郡人藍田之孫熙在隋為納
言惟上邽府君納言之玄孫道克肖而位不至惟尚書府
君西州之右族光未耀而德已基惟司空集作府君志為
君子之儒以明經文粹作居上第調補陽安縣主簿歷正
平縣尉汾州司法參軍陝西大都督府兵曹終于太原府
首掾始以顯經進既仕旁通集作百家愛集作穀架子清而婉
左丘明國語辨而工司馬遷史記文而不華咸手筆朱墨

究其微旨愷惻以祀家信誥以急人德克齒耄獨享天爵
故休祐集作集于身後徽章流乎佳城凡以于貴丞集作

澤降命書告第者始贈尚書祠部郎中再贈禮部尚書三
加右僕射四進太保五為上公八字集作先夫人亦四徙

封密印累累邦族登慕生三子皆才彭陽公為嗣次子從
端實肅給今為檢校膳部郎中叅河東軍事季子前所謂

監察御史今主柱下方書温敏而有文綽綽然真令兄弟
惟彭陽公以才名翰飛參侍從八字集作以詞筆由博士

主尚書牋奏典內外書命遂登樞衡言文章者以為冠擁
節總戎率身知集作衆留于盟津變風于浚都言方畧者

以為能夫浚師嘆喏難治乘疊竊發寢成習俗莅政二作
五載飲和革心東馬來朝憑熊集作熊羆隕涕問公還

期觴必祝之留為常伯旋命居守汴人聞公之東近而愈
集作懷翹翟集作翹翟盡文粹西其首言遺愛者可紀焉貴

而率禮老而能慕林暢乎霜露齊莊乎廟祧睦其仲季施
及鄉黨言孝悌者歸厚焉勒銘于碑以代夷文粹鼎銘

曰
已孤之孝莫如備物顯彼二本新廟四阿三室時維仲月

卜用柔日醴醴苾苾牲牲牲博文粹脂籩鯢在堂蕭管在庭
孝孫蒸蒸躬文粹若捧盈低簪委紳薦俎登劘盼蠻交感

流涕集作流集作緣纓禮以備儀誠以致美祖考來格錫之休集
不祉工祝告記退循軒所乃授風人作詩以紀猗歎彭陽

之寵光佐憲皇穆

集作王非

西省東臺迭為侍郎國之大柄

政咨爾平章敬宗疑旒御鎮雍丘入為地官

集作守東

守東

周彭陽之忠厚且介福以壽東郊旒蓋可復朝右綿綿其

胄系于周舊由我顯起必昌其後大和紀元作廟之者刻

碑廟門龍集已酉

天平軍節度使殷公家廟碑

馮宿

能樹休勲著茂功豐人爵列天秩焜耀當代恢張其門者

幾何人哉不有營繕乎先宗廟而後宮室不有禋祀乎愴

春秋而感霜露太和甲寅歲天平軍節度使檢校尚書右

僕射陳郡殷公侑建家廟于京師永平里之東北隅禮也

前此表陳其請詔報曰俞勿亟成功度思來格於是乎討

獻尸奠盎之茂典徵以繭粟浴蘭之通制冬十有一月辛

亥奉工部衛尉騎省三府君李氏周氏劉氏三太夫人神

主克祔于其室自西徂東靡陋靡豐守經據古處約為恭

追惟我氏之權輿二十一代祖封在東漢桓靈間為諫議

大夫出冀州刺史避黨錮棄官挈家屬南渡江栖於曲阿

邁德流芳或隱或顯繁于家牒播于人間十九代至工部

府君諱楷字文綯

一作詢

高宗朝四岳舉高第釋褐拜雍州

新豐尉累遷大理丞天授中以議獄平反為酷吏所陷貶

台州永寧丞今上太和八年七月詔追贈工部侍郎衛尉

府君諱玄覺字元明八明經出身以工部府君處明夷

之時持法不撓謫居而歿未歸舊阡茹荼調選求為寧海

尉旣克營護附于先兆遂天布之衣終身不言祿與工部
府君同日追贈衛尉少卿騎省府君諱擇字易從少負志
氣博學善屬文弱冠遊太學籍甚於公卿間天寶末知天
下將亂乃捉裝東歸侍太夫人版輿徙居吳郡吳中士大
夫得從府君遊者鄉黨以為榮本道採訪使李希言辟為
從事奏授試崑山尉浙東節度使薛兼訓請為謀奏授試
存衛兵曹參軍並不就事具今東川節度禮部尚書楊嗣
復府君神道碑元和至寶歷中累追贈左散騎常侍於戲
三君皆位不允疑作克量道屯於時贈典累錫覃恩逮及天
其或者將厥後必有達人疇庸績服在於茲者不然何陳
郡公之麗鴻魁梧磊砢昭彰若此陳郡公大度宏略自誠
而明垂髻而早聞立志負笈而見賞先達佐輶軒不辱於
絕域昇禮闈有聲於奉常爾其起草彌綸剖符愷悌五諫
之弘益十連之勞徠徵拜名卿出乘元戎奮餓夫為齊氓
化亂邦為善部襁負始至壺漿遽迎錫命就加璽書亟降
時以為賀公以為憂桂人洪人滄人鄆人旣尸祝之又謳
歌之異日鄭伯來朝韓侯入覲執圭有委蛇之狀捧俎申
洞屬之容揚名立身養親繼孝賢臣之懿畚彰矣君子之
能事畢矣夫碑之於神道者懸空疑作寔所用碑之於廟門
者麗牲所資先祖無美而稱之之為一作謂誣先祖有美而
不稱之之謂不明古之人銘其功烈於鼎彝人銘其德善
於碑若然則轉石他山搜詞直筆垂攸久於刊刻託堅剛

以居諸鼓音無窮鍾慶不遺盡在是已其銘曰
帝里西偏天街右方三室兩廂克建一作構斯堂於惟浸昌
云誰經之鄆侯殷君云誰處之祖烈宗文藹然清芬揚名
顯親教孝申敬是為率德可以觀政莫之與盛此時備物
追遠復始無違享嘗茲用受祉固在元祀祝嘏言具筮盛
既飭罔絕敬齊如聞歎息有典有則順考前典聿脩明禋
事死猶生為能饗親爰奉爰尊於惟皇祖恃法不回酷吏
所擠竟孤其才僉曰哀哉穆穆王父天鍾孝德嘷泣封樹
歸全兆域報日罔極猗那先子超度名輩遠圖中輟貽慶
後代玄鑒不昧否道既傾復迷非遠奉烝如在欽若報本
飛章瀝懇秉越有虔干城嶷然未懷悽愴長薦吉蠲於斯

高年

淮南節度使檢校尚書右僕射趙郡李公家廟碑

白居易

王建侯侯建廟廟有噐噐有銘所以論譏先德明著後代
或書于鼎或文於碑古今之通制也維開成某年某月某
日宣武軍御史節度使檢校尚書右僕射汴州刺史李公
國勳紫金魚袋趙郡李公齋沐祗栗拜章上言請立先廟
以奉常祀於是得請于天子承式于有司是歲某月某日
經始於東都明某拜某拜有事于新廟外蓋其物內盡
其志三獻百順神格禮成其友居易以李氏南祖唐宰相
李乃趙郡李氏有南祖世家名爵與僕射志行實業書于
西祖東祖集作非

文苑英華

六

麗牲之碑謹按家畧九代祖善權後魏譙郡守八代祖延

觀徐梁二州刺史五代祖遷皇朝瓦殺二州別駕贈德州刺史高祖

州刺史五代祖遷皇朝瓦殺二州別駕贈德州刺史高祖

季集粹右散騎常侍贈德集粹州刺史曾祖府君諱敬

玄總章儀鳳間歷吏部尚書侍郎同中書門下三品中書

令弘文館太學士監脩國史封趙國公謚曰文憲才智曠

業載國史今祭于第一室以妣集粹國夫人范揚盧氏

配焉王父府君諱守一屬世難家故不求聞達避榮樂道

與時浮沉終成郡府耶縣令今祭于第二室以妣榮陽夫

人鄭氏配焉先考府君諱晤集粹歷金壇烏程晉陵三縣

令府君為人篤於家行飾以吏事動有常度居無惰容新

菴之邑有善政辭滿之日多遺愛不登貴仕其命矣夫祭

于第三室以先妣上谷夫人范陽盧氏配焉府君累贈至

尚書右僕射夫人累贈至上谷郡太夫人前後凡三追命

六告身二本渥澤疊洽白葉流根從子貴也耶縣洎晉陵

府君咸善積于躬道屈于位儲祉流慶而僕射生焉僕射

名紳字公垂六歲丁晉陵府君憂孺慕號踊如成人禮九

歲終制孝養上谷太夫人年雖幼承順無違家雖貧其旨

無闕侍親之疾冠帶不解者三載餘可知也執親之喪水

漿不入口者五日餘可知也先是祖考妣晉陵府君前妻

早洎叔父兄妹之殯咸未歸柩各隅集粹一方公在執衰

中親護九喪匍匐萬里及期喪事禮無闕違至誠文粹感

神有靈鳥瑞芝之應事動鄉里名聞公卿言孝友者以為
表率憲宗嗣統三年李錡盜據京口公寓居無錫羅第東
歸錡聞公名署職引用初詢以謀畫結舌不對次強以章
檄絕筆不書誘之以厚利不從迫之以淫刑不動將辱
者數四就幽囚者七旬誠質神明有死無二言名節者以
為準程朝廷嘉之拜右拾遺歲餘穆宗知公忠孝文行召
入翰林特授司封員外郎知制誥遷中書舍人承旨前滕
二本作承知無不言獻替啓沃如石投水俄拜御史中丞
頽色滕戶部侍郎既而望屬台衡朝當晏駕時移世變遂出掾高
要佐潯陽旋為滁壽二州刺史大允公之為政也應用無
方所居必化卧理二郡以去害為先故有盜奔獸伏集作

之威廉察浙右以分憂為功故有卹隣活殍之惠正河
浴以革弊為急故有摘奸抉蠹之威文宗知公全才知粹文
所汴難理乃授鈇鉞俾鎮紱之初宣武師人驕強狠悍粗
亂徼利積習生常公既下車盡知情偽刑賞信惠合以為
用一年而下懲勸二年而下服畏三年而下耻格肅然不
變薰然太和撫之五年人俗歸厚至於捍大患禦大災却
飛蝗遏暴水致歲於豐稔免人於墊溺噫微公之力汴之
民其為殲乎其為魚乎殊績尤課不可具舉天下征鎮淮
海為大非公作師不足以長束諸侯制加銀青光祿大夫
揚州刺史淮南諸州二本節度觀察等使餘如故詔下之
日出次於外軍門不擊柝里巷無吠犬從容五日按節而

東百姓三軍挈壺漿捧箠醪遮道攀餞者動以萬輩皆嗚咽流涕如嬰兒之別慈母焉噫若非襦袴之惠及其幼穉豚之養及其老又推赤心置人腹中者則安能化暴戾之俗一至於此乎西人泣送東人歌送二本梁楚千里風變化移膏雨景星所至蒙福于時開成會昌之際上方致理公未登庸顛顛蒼生還二本望而已盛矣哉大丈夫生於世也以忠貞奉于君以義利惠乎人以黻冕貴乎身以宗廟顯乎親以孝敬交乎神宜其荷百祿輔一德為有唐之宗臣者歟君子謂李氏之廟也休哉公之祭也順哉然曰有孫如此有子如此可謂孝矣故其碑銘曰二本作云

祭祀從貴爵士二本有秩諸侯之廟一宮三室皇皇西室皇祖中書曾二本孫追遠昭穆有初顯顯中室王父仰令順孫祗享盡文粹敬肅肅東室先考晉陵嗣子奉薦孝思蒸蒸嗣子其誰僕射公垂公垂翼翼齊嚴諒直為子為臣有典有則載膺休命載踐右職以孝肥家以忠報二本肥國乃授侯伯纛鉞旂戟乃饗祖彌牲牢黍稷家聲振耀國典褒飾六命徽章三世血食光大遺訓顯揚先德子孫承之垂裕無極

文苑英華卷第八百八十二

公高祖周度支尚書封國公諱綽立言成務垂法後王言
曾祖隋尚書僕射開府儀同三司雍州牧諱威嘉暮成績
懿于當代大父隋尚書職方郎中鴻臚卿諱夔理綜群品
識軍衆妙烈考秘書丞沁台二州刺史追贈岐州刺史遊
藝聚學素風不墮一作墮公系上聖之遐緒鍾盛德之衆茂
資元和以體仁穆清明以成美初孩而孤稟絳郡夫人之
慈訓幼而岐嶷聰敏冠常始讀山棲志一覽便誦及長博
通經史尤善屬詞年十八進士高第補寧州叅軍轉恒州
司法丁絳郡夫人憂自中出涉寒從至京兆哭不絕聲性
以禮全形以哀瘞左庶子張大安以孝悌上聞服闋拜恭
陵丞轉相王府錄事王改封豫官亦隨府上帝即拜朝散
大夫尚書水部員外郎未幾兼侍御史淮南蕪按俄轉夏
官員外郎兼官尹丞歷水部祠部郎中兼判司禮事以親
聯出爲朗州刺史轉歙州刺史武興令檢校冀州刺史累
遷汾鼎同汴揚陝以累最入爲尚書又拜右丞加銀青光
祿大夫遷尚書左丞戶部尚書又拜侍中京師留守兼理
冤滯車駕還京持節河北安撫加金紫光祿大夫轉吏部
尚書東都留守尋追還守本職尋拜尚書右僕射同中書
門下三品封許國公脩國史今上踐祚拜尚書左僕射屢
抗詞乞骸優答不許拜太子少傅公長子頴歷給事中中
書舍人嘗與公聯侍紫墀接機黃閣前後之拜近古未有
公體道貞固立志一作心簡直多識前言遍詳舊事自周隋

損益家牒可紀公則紹之罔不畢綜故閨門之內孝悌成
則朋友之間忠信克舉其在參佐也婉孌柔嘉醜夷不爭
其事藩邸也從容諷議賓僚是仰四為郎而彌綸之功有
于省閣九為牧而循良之績著于州郡周旋二轄燁耀文
昌廻翔兩宮耀鑠巖廟版圖國之信而五教在寬冢宰人
之紀而九流式叙左右端揆盡訐謨之畧東西掖闈備忠
謹之美德逾盛而心益下位彌大而行益恭用能高而不
危長守富貴考父三命謙光數朝平仲一心中乎累聖非
至德淑慎疇至此哉夫其仁恕篤密清廉簡惠躬儉約以
自持蹈名教以撿物祿以周給不積於家財以睦親必均
於衆故義廣而私謁之途阻名揚而兼濟之道宣茲亦叔

之賢國倫之懿也幾深通志精晤默識然文以藻野
辭約其華學以辨微固伸於世故始終機揆舉無遺策
斯文子房之智孔明之能也造膝沃心務存匡救引過稱
善不近於名故聲聞於天而口無擇績宣于事而心罔專
蓋叔子之仁孔子之慎也兼斯衆善以享明德方將三階
載理兩宮更曜天命不祐奄忽遽歿朝喪其楨人隕所戴
天子悼焉臨遣大府卿李從遠策書吊祭輟朝三日有司
備禮發哀追贈司空荊州大都督賻絹八百段米粟八百
石凶事葬事並官給賜東園秘器大鴻臚卿監護官為立
碑皇太子別次發哀遣洗馬吊祭賻物二百段義和擇日
天常考行朱旂載路班劔啓行哀榮之禮備矣諸侯之素

終矣魯家代尚儉載在縑竹是其疑作生也門無主賓堂

翰皇終也瑩無封樹隧無碑表大漸之始遺令遵行

日血受命罔有踰越雖逼朝音不旌墳壙建碑于瑩北

平五里故文藝之行經緯之迹雖備于國章布在人口

違先訓皆略而不書中書侍郎同中書門下平章事范陽

張公雅俗之鎮具瞻令德文章之雉談者為楷偉公道德

之首徽猷可行刊石紀頌穆如清風頌曰一作其詞曰

斤斤蘇公正體張集作體正含道稟靈淳粹為唐元老忠以衛

主孝以立身文以經國惠以安人司牧九郡九郡爰靜

章百工百工爰整千載典憲三朝綱領上慕先人五代相

國不垂餘慶七子令德帝謂庭頌伊公是似一作非接待

序拜金祀聯華疊潤佐我天子於戲彼蒼國翰云亡地

類五獄天拆三公備禮詔葬群官會喪掌史司德刊銘路

傍

贈太尉裴行儉神道碑

張說

星辰玄集作懸象所以殷時布氣然而行不言之道者天也

文武用才所以勤官定國然而收集有致字無為之理者帝也

當高宗之休運任名世之良臣清九流而闢四海代天工

而張帝德歷選前哲豈多乎哉公諱行儉字守約河東聞

喜人也其先出于嬴姓伯益之後也秦則裴侯始封漢則

侍中受職魏晉之代鬱為盛門八裴方於八王聲振海內

三子尊為三祖望高士族自黃州刺史徽至公十二代中

軍將軍雙虎唐諱至公六葉代無遺德不預厥禍者已大玉

父伯鳳周驃騎大將軍光汾二州刺史琅邪郡公諸侯受封山河傳

父定高大將軍馮翊郡守襲琅邪郡公諸侯受封山河傳

國天子共理循良克家考仁基隋左光祿大夫以陰圖王

克伏羲拔舊主遭時不利玉折名揚聖唐龍興旌淑勵節

贈原州都督命謚曰忠盡集作蓋春秋之褒也公清明本乎

世德正性出平胎教氣潤河靈貌雄岳立仁孝之道天生

而知將相之器與年俱長以高蔭為弘文生絕事篤學累

年不舉房僕射異而問焉對曰隋室喪亂家亡集作典籍

籍有良書探討未徧故少得耳梁公驚曰驥子志氣凌雲

一日千里其早為通人之目也如是明經補左屯衛倉曹

詔舉轉雍州司士選金部戶部二員外歷都官郎中長安

令明慶中與長孫太尉楮河南論及中宮廢立國家憂患

有公伯僚潛行於季氏出為西州長史又改金山副都護

又拜安西大都護西域從政七八年間窮荒舉落重譯向

化我之獨賢邊之多幸乾封歲徵為同文少卿尋除司列

少常伯官復舊號為吏部侍郎加銀青光祿大夫自居銓

管大設網綜辨職差才審官序爵法著新格言成故事上

元中長星出天禿髮入塞詔公為洮州道左軍總管又為

秦州鎮撫右軍總管並受元帥周王節度雖祭公有諫耀

武之事不行而方叔陳集作師來威之道備矣儀鳳二年

十姓生可汗匄延都文為集作行李遜匄潛構大戎

倣擾西域朝廷憑怒將行美詩公進議曰敬玄敗績於茅
戎審禮免胄而入狄豈可絕域更勤集作王師今波斯王

亡侍子在此若命使冊立則路由二蕃便宜取之是成擒
也高宗善其計詔公以名冊送波斯兼安撫天使公往莅

遺愛洽於人心是行也百城故老望塵而雅拜四鎮酋渠
連營而恣酒一言召募萬騎雲集公乃解嚴以反謀託獵

以訓旅誤之多方問集作其無備裹糧十日執都支於帳
前破竹一呼鉗遮匐於麾下華戎相慶立碑碎葉蓋美克

傳不殺而是講集作用謀要集作人以德而去害審集無廓氛
侵於地表燁皇靈於天外充國有屯田之頌寶憲有燕山

之銘訂集作茲遠略彼何微也遷禮部尚書加主柱國又
行降恩命兼右衛大將軍夷典秩宗神必據我文昌有禮

天道存焉調露中單于可汗伏念外叛大鴻臚蕭嗣業喪
律詔公為定襄道大總管軍至朔州斥堠相接匈奴故態

狃劫糧以餒師神將出奇張虛勢以陷敵偽為轉運伏其
壯士示羸師以緩行憑精騎以躡迹寇果大下援兵奔散

驕虜益驚自為得色驅此車牛憇彼泉井於是箱中兵起
千弩齊發要路騎飛一息而至群胡顛沛殺傷滿野從此

饋運路無驚者觀夫大漠無倪穹廬靡所追之迺遯捨之
憑陵費日老師兵家所病公潛使緩頰均其利心深圖既

入狼意亦改及委罪衙官陰送降款公密上其事人莫之
知及如所期舉國歸附煙塵天起師徒惶惑公徐使令軍

曰此是伏念執溫傳來降非他寇也俄而啣壁轅門籌縶
 納疑帝加厥勲命尚書崔知悌乘駟勞軍備禮獻凱冊勲
 之日程務挺張虔勗者行軍之偏將也訴言子勞集作逼
 遠方降大軍又屬秉鈞忌才上下其手公曰雖不逮群師
 之讓功集作猶恥與二王之競力集作今而殺降後無來
 者乃封公聞喜縣開國公而伏念溫傳皆戮都市是年也
 伏念弟元珍擁其餘種復叛則天稱制追正宿枉贈伏念
 太僕卿程張諸家別故夷族君子以為神理之不可誣也
 永淳元年詔公為金牙道大總管未行遘疾四月二十八
 日薨於京師延壽里春秋六寸有四長子貞隱早卒嫡孫
 泰玄嗣封藐是諸孤哀哀童幼高宗悼焉贈幽州都督賜

凶儀還鄉喪葬官供禮部郎中監護窆安之數率禮有加
 別勅留守委皇太子擇六品京官一人檢校家事五六年
 間待兒孫稍成長日停寵極哀榮禮之厚者擇周集作存
 沒義莫重焉太常議謚博古多能文武表式曰憲其年十
 月葬我憲公於聞善之東良原禮也神龍中興朝思舊德
 贈公揚州大都督開元孝享皇帝辛集無此宰嗣延恩贈
 公太尉生不登于集作台階沒追位乎靈岸序四時於地
 下集作調三光於天上集作聖人神教意在茲夫公志堅
 慮精神勇識澈藝必討本學皆觀魁又善測候雲物推步
 義象鬼無遁謀靈不蔽用著文集二十卷造草字數千文
 寶傳人間以為代法又撰譜十卷又為軍營行陣部衆

拜敵等四十六訣大聖天后令秘書監武承嗣就家取進
以為秘密述三字集豈比馬卿浮華難留封禪之草劉安

虛誕空傳鴻寶之書而已哉加以汲引沉淪推獎氣類羣
懷而襟帶不設弘亮而城集作府洞開故虎旅雲從詞林

響應若羽毛之宗麟鳳衆川之長江河也在選曹見駱賓
王盧照隣王勃楊炯評曰炯雖有才名不過令長其餘華

而無集作實鮮克令終見蘇味道玉劇嘆曰十數年外當
居衡石後各如其言其在軍麾擇帳下之士則有張知運

薛訥闞敬客其元暕裴思諒王智方呂休璟劉玄意引偏
俾之將則有程務挺張虔勗汪万翼崔智普党金毗郭待

封劉敬同李多祚黑齒常之凡所進拔盡為名將此則有
道之人倫武侯之賞鑒也公之送波斯也入莫賀延曠中

遇風沙大起天地暝晦引道集作皆迷因命息徒至誠虔
禱徇於衆曰井泉不遠湏臾風止氣開有香泉豐草苑在

營側往來之人莫知其處此乃耿公之拜井商人之化城
也公在禮闈勅賜善馬及寶鞍令史奔馳馬倒鞍破懼而

避罪公使詔之曰知汝誤耳又平都支遊副大獲珍異昔
長將吏請遍觀焉有馬腦大盤希代之寶也隨軍王休烈

捧盤跌倒應時而碎叩頭流血惶怖請死公笑曰事有不
意何至重王而害人乎此又文饒之含容郝吉之仁恕也

公西擒都支北降伏念前後賜焉五百疋僮三百人金銀
器物三千器錦綉織皮三百段公受置殿中旬日散盡此

又趙屠之待士田文之市義也若夫知入以為本感通以
為行善貸以為常散積以為樂古之友道者從事於斯矣
公元夫人河南陸氏兵部侍郎爽之女也陸氏卒繼室以
華陽夫人暉狄氏有任姒之德班左氏之才聖后臨朝召
入宮闕拜為御正中宗踐祚歸養私門歲時致禮媯皇_集
后補天進參十亂少康嗣夏退叶三從晉朝公卿列拜虞
潭之母周官音注近同韋遠之家皇上臨極旁求陰政再
降綸言將留內輔夫人深戒榮滿遠悟真筌固辭羸憊超
謝塵俗每讀信行禪師集錄求期尊奉開元五年四月三
日歸真京邑其年八月遷窆之於終南山鳩鳴堆信行禪
師靈塔之後古不合葬_集之成遺志也長子參玄守

至涇鄉二州刺史聿脩厥德人亡道存次子延休并州文
承令世載文雄家傳草聖次子慶遠協律郎深達禮樂克
和神人咸負長才同淪短運季子光庭侍中兼吏部尚書
輔政邕熙致君堯舜孝理發乎陵廟仁澤遍乎松楸是故
妻以夫榮_集以子貴_集以_集尚書先贈方伯中命上公夫
人舊封華陽增號晉國詩云文武言甫萬邦之憲上公有
焉又曰彼美孟姜德音不忘小君有焉孝經云立身行道
以彰_集唐諱_集 父母侍中有云合三德而為家橫百代而濟
美信可以言時稱代鏤石刊金者歟神道前銘薛令所撰
具有後命俾余係述焉遷世家益孟堅之一傳劉寬表墓
並伯喈之兩碑報德教忠俱傳不朽銘曰

天生亞聖祚此王國文綜九流武參七德柔遠服叛窮西
盡北赫我皇靈去其蝥賊仁則不遠智何不獨如山之峻
如川之流術與神合藝將道遊書來懸帳賊出登樓司馬
軍陣官人紀綱帝加常伯國于開喜室有令妻家成克子
杜金傳世桓圭守祀神道集作上台永介邦社

文苑英華卷第八百八十三

文苑英華卷第八百八十四

碑四十一

神道二

將相二

梁國公姚崇神道碑一首

右僕射太子少師唐璿神道碑一首

侍中兼吏部尚書裴光庭神道碑一首

故開府儀同三司上柱國賜揚州刺史大都督梁

國文真公姚崇神道碑

張說

錄曰八柱承天高明之位定四時成象亭毒之功存畫爲
九州禹也堯享鴻名播時百穀棄也舜稱至德由此言之
知人則哲非賢罔又致君堯舜何代無人有唐元宰曰梁
文貞公者位爲帝之四輔才爲國之六翮言爲代之軌物

行為人之師表蓋維嶽降神應時閭出者也公諱崇字元之姚姓有虞之後遠自吳興近徙于陝今家洛陽焉烈考

長沙文獻公樹勳王室建旗雋府公純綺而孤克廣前業激昂成學榮問日流武庫則矛戟森然文房則禮樂盡在

弱冠補孝敬挽郎又制舉高第歷佐濮鄭並有聲績集本文粹華入為司刑丞天授之際欲吏峻密公持法無頗全活者

衆進夏官員外郎郎中侍郎朝廷曰能遂掌軍國遷鳳閣侍郎監脩國史兼相王府長史始則天人讓王承置醴之

顧終以飛龍利見延驂乘之恩自時厥後恒當大任凡三處兵部尚書三入中書令一為禮部尚書左庶子又肅政

大夫惣靈武庫兵馬又司僕卿知龍右監牧使出典毫宋常越許申徐潞揚同十郡景雲初以藩邸舊寮封梁國公

食賦百室公性仁恕行簡易無虛懷泛愛而涇渭不雜真率二本逕二本盡而應變無窮每文粹推是心以御於物故集

所蒞必毗庶風偃桀驚二本化從言不厲而教成政不威作而事理去思觀頌來暮聞歌既登邦政卒乘輯睦及在宗

伯神人克諧今之中書是為理本謀事兼於百揆論道惣於三台公執國之鈞金玉王度大渾順序休徵來臻懋德

格天名遂身遜拜開府儀同三司崇其秩逸其志也初太夫人在堂公受任文粹西掖頗限尙禁求侍晨昏優詔既

許尋命二本還職公固請以渣制曰家有令弟足慰母心作國有棟集臣安可斃闕其後部符江表敷諭起復纒麻

外墨樂棘內毀變禮中樞通識所貴神龍之首與聞興復
 疇其并賦累讓而傳夫以韋欽馮新夫來小徃得喪而不
 形於色進退而不失其正者鮮矣君子曰忠不忘親仁也
 哀不違事義也讓功辭邑禮也濟代全名智也仁以長人
 義以和下禮以安上智以周身宜其光輔四帝軒冕三紀
 池臺琴筑優游暮齒傳爵土於祚胤保祿位於終始矣享
 年七十有一開元九年九月寢疾薨於東都之慈惠里皇
 上悼焉國人慕焉撫牀輟春魯未云比制贈揚州大都督
 謚曰文貞禮也十年二月葬於萬安山之南原在疾也王
 大賜膳御醫視藥集作御藥視醫于薨也中使弔臨羽儀哀送君
 臣之義厚莫重焉子昇子集無字奕思綴遺美以真罔極有
 乃灑恩仙翰鏤澤豐砥日月照臨於佳城煙雲變態於神
 道寶其文字別為群王之山禁其樵蘇即表三司之墓銘
 曰

源深自虞派別從吳避地魯陝居家洛都神明遠契岳瀆
 真符翊聖斯偶生賢不孤仁將勇濟孝與忠俱學文粹作丹
 攢植文鋒迅驅絲安卑位即聘長途惟實惟有若虛若無
 再三軍國一二訐謔戎柄尤重王綸最樞兼司任切交政
 榮殊黼藻彌煥丹青靡喻以寬容物以鑒分區外或形放
 中恒禮拘箴雖誠口諍亦忘軀但覩渾璞誰詳瑾瑜伊咎
 尺寸管樂錙銖名遂身正二本作名正身遂言誠願乎方辭漢祿

更辱齊租既積而散窮歎盡娛川歸東逐去集作西輔

上惻旒宸旁悲路衢藍田羨王荔瀟明珠載廣休慶爰弘

典謨豐碑乃立盛業其輔帝念頻軫仙毫持紆鐫金刻石

鳳篆龍圖七耀光勳三泉澤濡銓文粹能欽事理鬱詞敷

求舊銘實慙而碑蕪二本作蕪緬思雲霧尚想江湖有道

之德其何以踰延陵之墓空此嗚呼存歿終始遐哉邈乎

右僕射太子少師唐璿神道碑 蘇頌

欽若於天者謂之代工覆冒于人者謂之成務則調元氣

法三象鼓洪爐且萬物其代工成務之本也簡大僚所以

服其事明先正所以詔其功卜熊羆所以占其兆從龍虎

所以合其應匪徒然而也哉有唐元老宋公侯矣公諱璿

字休璟晉昌酒泉人也昔在夏商大夫陳其氏姓洎遷汾

晉季子聽其聲樂豈軒之後唐之遺乎既仕楚而聞魏亦

家秦而滅項涼武昭王攬中州之傑居右地之盟七代祖

晉昌宣王和佐厥威霸守其夷險故累為郡之首族粵竄

公遠我魯祖驃騎大將軍開府儀同三司贈兗州刺史諱

某世位大將軍二千石大父洛陽令朔方郡贊特贈秦州

都督諱某烈考咸陽令贈岐州刺史諱某操斧鉞班珪瑞

者耀洪烈於四世垂餘風於百里於穆不已莫之與京公

初髫而孤入則孝出則悌承於母兄之旨及冠而立學以

聚問以辨從於師黨之言焉張嘉運先授於易森然可見

者萬象賈公彥次授於禮坦然可觀者百度射策高第初

補吳王典籤歷綿州邑西尉同州焉翊主簿弗之好也嘗
欲屠郅支刺樓蘭執渾邪逐呼韓始自謀於將帥終見器
於公輔遂為踈勒道行軍從事策勳至上柱國授營州都
督府戶曹叅軍尋以朝散大夫檢校朔州刺史蓋養能而
成績矣轉安西副都護檢校庭州刺史長壽中武威軍大
惣管王孝傑之復四鎮實賴其謀表公為西州刺史涉龜
沙薄烏壘矛精絕慰渠此之謂也公至則扶厥傷止其擅
因所利補其闕故西州之士刻石而建碑焉無何遷靈州
都督新昌軍防禦營田等使入蕭關殺都尉絕梓嶺討符
離此之謂也公至則滅彼方要其險狎諸野墾其實故北
地之大者有備而無討矣就加銀青光祿大夫入拜左豹
韜將軍遷司衛卿未幾攝右肅政大夫檢校涼州都尉假
節隴右諸軍事叅警夜之肅嚴不時之敬事典之常者惟
公是遷受南憲之寵物四方之役邦家之急者繫公是任
其年麴莽布支率種落數萬寇於洪源也公訓鉦鐳完甲
兵以禦之虜見積尸之凶我懸斬級之賞遁則忘草在而
蒙棘他他籍籍不可勝云朝實休之除右武衛右金吾二
大將軍俾仍舊鎮雖貴而不留中也先后稽六宮之本思
五法之要自我聰明惟天照鑒乃拜公文昌夏官尚書同
鳳閣鸞臺平章事憲心而行正色不撓功多微管議切矣
劉中宗之踐副君旁求中庶特轉公大夫太子右庶子加
金紫光祿大夫知政如故召綺里而稱叔孫也屬駕言北

垂薄伐東鄙復公爲夏官尚書兼幽營二州都督安東都

護按河北

一作

之州軍

一作

自郾郡巡遼碣貪夫廉而忌

法戰士逸而待寇且有倫要而無怨謫神功初徵拜輔國

大將軍同中書門下三品遷持進尚書右僕射食寶封三

百戶犯而屠守秦雍今之揆路古曰台司百寮師師萬事

理也分郡闕而興之鎮京師以留之豈富人之始封亦

侯之大任位益高而勇退年愈邁而思止抗聞旒宸密奏

封章久之聽致仕進封宋國公朝朔望天子方崇文太學

講武宣揚延首鴻儒傾心碩老復以公爲太子少師監脩

國史乞言而書法也景雲初匈奴請公主盟使臣爲約未

暨致辭或給國命公爲持進檢校御史大夫朔方軍大

以禦之伏宸威肅戎今人莫聞於吹大騎寧憚於射雕

舉則全師還而罷事將簡棄軒冕神明芝木然邦有大禮

樂大政刑率由典謨罔不資度享年八十有六景命不造

延和元年七月戊子薨於長安懷真里第嗚呼哀哉皇上

聞哀撤懸出次揮涕追柳莊而承命

一作

思鄭產而安歸

制贈使持節都督荊州諸軍事荊州刺史贈物四百段米

粟四百石喪事官給仍差官四品一人監護有加等也太

常考行謚曰忠書不云殷之得傳用訓朕志而承其道雅

不云周之命程是我戒我師而就其緒於戲惟公浚明前

典允迪古訓勳而成之入則獻規出不言政石建孔光之

比決勝千里通知四夷子房充國之亞爲將軍尊重於位

而謝賓客公之不敢專爲丞相開棘其端以歸人主公之
不敢伐如是則鑿器圖旂常載史官列盟府矣夫翠鶴
犀象非不鷲也有其用則不全麟鳳龜龍非不靈也無其
時則不至若乃時已借用不竭身已康名不滅者旣明而
且哲也公上惟祖彌傍至功總項於槐里之間謹原之右
卜其兆圖其域各以族而爲之度焉臨薨戒諸子曰儉則
自完孝不忘本吾之志矣嗣子陳州刺史先脊左牛牛中
郎將先擇等克奉遺命能循懿業以年月日苑于舊塋亡
夫人太原王氏從祔禮也昔禽息進里奚於秦而穆公之
政厚虞丘進叔敖於楚而莊王之力霸故有世祝而代祿
焉則我師臣計功胤子私風小彼秦楚之事大哉常事之
可久者敢作銘曰

稽古陶唐惟帝之初遷虞事夏俾侯而起居盤峻峙令德
之祉亦曰綿系誕生君子君子伊何邦之宰臣宰臣伊何
秉我洪鈞登于廟堂王則是保服于戎狄公嘗致討事惟
一心恭乃三命從讓頤老歸閑體正天也不憇人之云亡
大夫掌域郡公會喪咸陽北坂渭水南渡其如邢山求此

防墓

王則是保疑
作王躬是保

侍中兼吏部尚書裴光庭神道碑

張九齡

夫道遵常習故蓋人拘於凡也得精亡麤是天縱於聖也
方聖上之拔大師也豈籍譽於朝廷哉徑取士集作才於無
跡懸收功於未朕而終致大用克成休勛使祖虛名者見

西子而憎貌工橫議者聞魯連而杜口乃知古謂則哲維
帝其難今之得人遇聖為易能允明主之鑒不負真賢之
實者其在正平中憲公乎公諱光庭字連城河東聞嘉人
也伯翳之後與秦同姓始封于裴因邑命氏在魏晉之際
為人物之傑與瑯琊王氏相敵時人謂之八裴八王自茲
厥後弁代更盛大王父定周大將軍馮翊大常瑯琊公大
公仁基隋光祿大夫追贈持節原州都督天之既厭隋德
矣是危致命不亦難乎謚之曰忠憲春秋之義也父行儉
禮部尚書兼定襄道行軍大惣管聞喜縣公贈太尉時或
有姦集作王命矣禁暴安人不謂重乎謚之曰憲尊名典
也公即獻公之第七子降神元和會光不耀越在初服集

已有老成雖遠大是圖而近識嘗笑悟學探帝載何事小
名業綜人倫豈矜一善弱歲居太尉獻公喪幼以孝聞尋
補弘文館學生神龍初明經擢第授家令寺丞轉太常丞
加朝散大夫景龍中以親累外轉尋入為陝王友改右衛
即將丁晉國大夫憂柴毀骨立殆至滅性服免起為月州
別駕未之就也復除右衛郎將無何遷率府中郎嗟乎有
其道而無其用不可行也得其時而不得其志亦不可行
也公負經綸之器韜王霸之畧自委泊外臺棲遲下位出
外從事十數年間坦然而自若者何哉蓋知才有所必伸
命有所必與非苟而已開元中聖上思光祿之休烈嘉太
尉之元勳是必象賢其將天受特拜司門郎中轉兵部侍

臺之文始應列宿鴻漸之羽可用為儀遷鴻臚少卿以觀其能也是歲天子有事于岱宗諸侯會朝于行在執籩豆者不限於中外獻琛集作賚者亦勤於駿奔莫不來享無有遠近而執正以公代曉邊事職在行人且曰夷狄持無集此豺狼黷盟阻德我今有事戎或生心我張吾師有備無患若何公曰不可夫封禪者所以告成功也觀兵者所以威逆命也云亭苗扈非一時之事也受服執燔非三代之禮也天方佑我光啓舊服憬彼獯鬻能遠天乎無庸勦人可以謀告從之秋九月突厥果使其相執失頡利發與其介阿史德曷泥熟來朝公之謀也東封還遷兵部侍郎所父之職夏卿之亞存而舉者悉以咨之公於是考遺訓補

蒐苗循狩之禮詳施稅簡稽之賦

周禮大司馬分職簡稽卿民

以征頒九畿之政設九伐之刑以練國容以精軍實邊鄙

不聳帝用嘉之既而拜中書侍郎同中書門下平章事兼

御史大夫王出其言霽乎人有歸也天憲惟明肅乎人知

禁也尋加銀青光祿大夫換黃門侍郎俄遷侍中兼吏部

尚書弘文館學士惣百揆之樞轄酌九流之泉集作淵唐諱奧

叶文軌之殷受天人之和木集作火象鼎其惟實鍊山川

出雲用作霖雨時哉之會無得稱焉先是大化之行務以

玄默遵夫易簡舊章在而不議吏道雜以多端公於是求

革故之實契隨時之義作秩序以平之設循資以定之謹

權衡以選之考殿最以叅之姦回無所措其邪嚙啗不能

介其量多士動色群方改瞻仰之者邈乎如山窺之者間不容髮或曰執事無乃惠歟公曰天命敢不敬歟若然方將致六符於泰階驅百姓於仁壽豈直睥睨先正集作世唐肅

紛綸近古汨而隨流守而勿失云爾哉二十年冬上幸河

東祠后土命公兼左軍師禮畢賜爵正平男加光祿大夫

云集無此字抑人有言曰樹善莫如滋積仁莫如重則臧僖之

慶有後於魯樂武之德未絕於仁宜公侯之子孫必復其

始也公嘗讀易至乾之屯升之漸喟然嘆曰物惡有滿而

不溢高而不危者哉既而居不崇侈動無踰法雖百乘之

家萬夫之長冲如也謂日用不知存諸方冊何天年未永

瘼此台臣二十有一年春三月癸卯遘疾薨於京師平康

里之私第春秋五十八朝廷哀傷冕旒震悼制戶部尚書

杜暹即殯弔祭賙集作轉物五百段粟五百石喪事優厚官

供輟朝三日丁未有詔追贈大師謚曰忠憲使其官某監

候喪事以某月日葬我忠憲公於聞喜之舊塋禮也初知

星者言上相有變良臣將歿謂請讓之公曰使禍可禳而

去則福可祝而來也論者多之以為知命夫天下之達道

有五所以行之者三曰忠孝仁安君忠也榮親孝也周物

仁也此三者有一於集作于身鮮矣而公實兼之且媚于人

者必好其威福賢於事者必羞其謗政公知其然則以直

道匪躬之故忠莫厚焉禮為人子春秋以致享義於人臣

夙夜以從命公知其然則以時告姤在之敬孝莫重焉夫

以衡石之任陶鈞之力莫不責於事吏求備於一人以故
舞文雷同疑獄歲構恬而不改浸以成風公知其故則以
信察御物之惠仁莫加焉其行已奉公皆此類也嘗所著
述率于箴規以爲傳叙九族本枝百世集作王者之盛也
而義不可以無訓作瑤山往記維城前軌以諷之微而彰
志而晦聖人之舉也道不可以虛行作續春秋自戰國迄
于周隋以統之臣子義也天人之際備矣非洽聞通理其
孰能與於此乎且其存無幸人歿有遺愛嗣子積京兆府
司錄事叅軍孝實克家動必中禮丕承厚命紆天鑒而增
華敢跡前脩琢豐碑而不朽銘曰

益作舜虞鍼分晋土應流八族德盛三祖琅邛象賢懷文
武光祿忠烈殺身以主尚書出將恢我王畧文教內敷
武功外鑠緇衣之弊世公繼作用晦而明處豐思約鴻臚
好謀夏卿稱職代天化佐皇立極納于憲府好是正直
乃宅冢司謀猷允塞世瘁事國夙夜在公居無闕正歿有
餘忠天子命我頌德功日月有旣令聞無窮

當名品物定辭觀公之辨政消煩解結逢機立斷試公之
與物藥未扣猶陪行止彌留方殆必參嘗藥禱名者世人
之所重終不爲天適見公不在居死者有情之至哀賢於
貴生益知公之能達古史之云流美而不揚乃廢職書而
或畧近亦誣若然者則刊盛德於山阿藏茂勲於王府可
也公帝堯之胤家于京兆春秋未諸侯耗盡炎黃唐虞之
苗裔鮮有存者范宣子猶廣稱世閔盛誇穆叔而經秦涉
漢百王千載名公大人駢衡繼武玄宗朝叔考邁門下侍
郎平章事以清節居東府垂拱中大父慎行荊州長史以
文武式南邦開元之際皇考鵬舉安州都督以大名蒞淮
浦公杜陵男子遼廓不羈性與道合旁通多可思挹溟海
自漉皆返將窺語嘿杳然難究輒孩老子聖人皆孩之時人不屑
下位歷揚州參軍華縣尉大理評事司直關內度支副使
虛已而不疵於物存誠而受汗於俗天寶末將相交際海
內寒心家有襄陵之憂人懷崩角之懼公以爲期死不勇
必生非任莫肯念亂誰無父母於是始有濟難勤王拯溺
定傾之意祿山果憑竹系凌霄京畿輦洛成隴荒淆函爲
障塞命信臣梓一作扼二華之險守河渭之隘以挫其鋒
分河隴材官據南陽當宛葉以遏其勢朔方節度中書令
汾陽王發綠邊利兵畧雲中出井陘以制其後汾陽拔公
爲戎副倚公以幕畫公議無返顧計不旋踵戒器蒐乘接
食饋軍斯須決機閑暇辨劇故佩鐸堯徒未鼓而破恒陽

逆守先聲而屈時大兵深入後計在完勃公西歸本軍鎮撫喻告調發兵食保綏華戎會哥舒翰本有為出師桃林

以不計合戰既而從散約解形離勢沮六軍拆比而莫濟

上將授元而不歸強胡犯關長戟指關玄宗西巡巴蜀駐

蹕槐里俾肅宗不從詔馬下受辭徵兵朔方東向問罪付

以神器之重勗以興復之謀肅宗承命感咽北馳惶怖邠

郊無儲穀之犒安定絕薪藁之餽始誅二守物情尚疑眾

纒一旅邊郡猶驚遂踰平涼出蕭關直趣豐安阻河為固

公乘疾一有涼西上奏謁於白草頓請借前著以圖安危

靈州四臨兵車之會長安新破人心正搖豪竊窺雜種

園目衆情一呼而可潰危機視景而斯發北轅未改捨此

奚之豐安僻界西垂北臨沙磧候吏不至疲兵徑度儻軍

門晏關廻舟米具蒼皇朔裔踰據無所非策之上也因條

列市租計入幕府文書守便宜山川要害肅宗撫公背曰

靈武即我之關中河內卿亦吾之蕭何寇恂虜在日中凶

讎不足殄也即日大駕移幸靈州守則完鄂戰有全兵伐

鼓舉麾下令風生東極榆谿西泊先零莫不裹飯而趨揭

弓而走重足揮汗惟恐居後肅宗雖受傳國之誥平戎之

約謙讓未發守持益固願以撫軍討賊賊盡歸報遙稟威

畧不正位號公與御史中丞裴冕率呼韓單于羗戎君長

校尉部曲塞翁老將頓首勸進封章十上肅宗深自閉絕

留中寢答公獨排闥及霽披誠見意哀辭扣玉瀝血洒一作

漢地以爲命不得廢讎不可玩稽天後時物駭人散文武

之業墜而莫振非天子之孝也上亦躊躇感動廻慮遷思

公乃陳儀撰吉登帝天位於是義徒推轂廻紇橫厲蹴踏

咸陽網羅關外救楚請命夷凶滌穢收秦復洛翊帝霸世

皆公之力也定策之初既以大功推裴郭疇庸之際竟以

常資爲侍郎達者多公之遠名明主善公之能讓披我荆

棘在主簿而難忘張良布衣固封留而已足五凉四戰之

郊一作國荆州用武之地會稽淞河之險二都初定九服猶

虞傾側動搖三方尤急東西萬里出入十年仗節擁麾更

居迭撫公之在鎮河西無盜邊之警洞庭息三苗之禍海

寇不動旣閩順軌得公之効也如彼公之罷守表晁陷山

越康元燒夷陵犬戎奪酒泉匈奴舒右臂失公之患也如

此今上卽位以公先帝大臣明於治亂漢庭儒雅習於制

度往踐常伯登于相府禮崩樂缺自公綴之國綱天憲實

公持之爲上從容論天下事甚衆潛跡密啓一作疏明可否

者非一慎深於削弊功隱於詭詞永泰中西南大將暴狼

淫霄腹心坐離師衆四潰雖事迫理順而形疑勢拒皇帝

憫百姓之不辜哀群校之罹毒公奉辭授鉞單車詣蜀辨

邪正於一言安萬夫之反側始公未至皆鳴張內恐狼顧

外視及公申令則饑疑作餓德飲和且舞式歌岷峨旣平雙

流已清衛公告成乃眷以寧帝曰丞相善謀能權蹈難履

危勤畧憂邊凋弓弭旆策勲勞旋公拜稽首天子萬年公

有濟世勦難之才遺物離人之政自深根以寧抵每乘流
 而泪波及位極台衡勳高梁益未脫羈瑣終悲晚暮雖陳
 乞已屢而優眷愈深來朝之明年首夏初吉以東都河南
 吳越荆楚保釐之任分鎮之務俾公居中物統遙領是歲
 仲冬月朔羸憊遜位及乎既望生涯告盡留誠諸子申約
 道侶罷塗車芻靈之送黜聚僕豚楮之飾捐牢廢禮不封
 不樹鮮綬脫紳稅囊親主疑作待久客一作得而稽變是
 留歸而隔至從吾所好示祛俗累乃隱几喪偶知常委蛇
 恬然而終晏然而逝非合氣於漠得全於天駭形而忘損
 心具宅而無情死者其孰能至此極也惟公學奧九流技
 精衆藝忘象遺數達者知禮存於身而致於用也吉凶悔
 吝散微破詭應於化而鮮於物也技經肯綮理悟神對宜
 其翼宣夫政左右明聖位冠群后聲施來裔載不虞非據
 偶得累公責重憂深心昏意擾公則弘我以命起予以道
 未嘗不體平神清忽在世表以過必告我躬是保實欲依
 公戮力仰答玄造然後乞恩歸印相誓將老今左相齊公
 與子雙拜齊公全才稀售懷寶鄙試塵垢批棟陶鑄名器
 頡頑委運俯仰隨俗及乎培風撫翼立朝當國則骨鯁魁
 壘奮揚蹈厲端莊寤主饑渴憂世執邪遵法起墜振廢方
 知達觀無早計月固不勝火逢指就而知人折大木而惟
 我時稱並用房杜所謂同登管樂式是百辟惠余小子爲
 新非固服我甚忘歡褻未卷高秋已行唯余與王相顧未

文苑英華 卷一百一十五

五

傷鄙夫誅德齊公酒翰將愧強名慙蔡篆之以其詞曰
陽驕必折陰勝亦邪剛柔雜居賢聖之家堂堂衛公含和
用中爲保自易當難不逢首陽誠拙柱下非工舖糟末位
致命危邦自西徂東足跡頭蓬簡稽衣食賦政理戎經營
指揮雲合風從定計翊帝華暴鋤凶退殊獨縈進不爭功
出征入輔計文經武洗蕩三蜀雍容兩府神邁形局思深
志遠封禪留草東山不歸台光折耀白晝徂殫依仁孔風
履信不暮自天之佑宜無悔怒天之荐瘡時丁耗斲音如
魚思涉若廢網罟或歲大旱孰爲霖雨生公則惠喪公何
苦形有必行死無不之誰存封域誰制喪期平臯漫漶野
蔓離披延陵已達戈者何知

冀國公贈太尉裴冕碑

前序

王者纂大業以拯時難君子合天符以成聖功在殷之傳
說周之申甫漢之博陸其類也臨大事一作息首大謀君子
正位邦國是憲其道也琰圭火龍玄社朱戶其祿也古之
人遇其時行其道濟其業受其祿嗚呼裴公斯近之矣公
諱冕字章甫河東大族著於系譜曾祖灋州刺史諱懷感
祖滑州司馬諱陟考長安丞贈司空諱紀自司空而上世
累清德公全樸以受其形器混冥以養其精和隤然大不
爲累方駕前古其禮容誠敬可陳於蠻貊施一作饗於鬼神
宜乎吉凶變幽而偶聖君精義致用而審天道天寶十四
載皇上避狄于華陽肅宗僞遊于幽朔公以御史中丞奉

詔翼贊元良釋使濟河會于靈武與侯伯卿士官師亞族
考大德除殘之運冒難德德兆之心負金璽玉旒爲人請
命于西土維天意群謀是告而蒼生災害是懷于時冊禮
既畢公乃自左殿于拜中書侍郎平章事從時望也帝曰
予欲教熊羆食獒偷公於是乎請蒐于岐陽朝于鄴宮以
干鍼陳師以蠻夷誅暴公定大業運開中興帝曰予欲端
百揆詔典司乃命公爲尚書左僕射於是乎綱理廢工四
方來同左右始終十有三祀初自縣聯屬署監察御史嘗
有姦蠹吏公按之時寵權臣之戚也黨其犯而請于公公
竟正刑書不爲勢屈時論以公有不可奪之節故肅然由
是歷侍御史尚書郎者五其中以直遇坎收蠻溪者二以
時當任兼憲臺鎮梁益各一以勳封冀直食五百戶以秩
開府儀同三司大曆一有十四年冬十一月今上念伊尹
之一德思孔光之再起詔復入相旬有二日兼河南江淮
副元帥東都留守是月辛酉薨于長安年六十七翼日冊
贈太尉明年二月癸于京城南畢原詔京兆尹護喪事贈
布八百段凶儀葬帛具俾出有司昔在天寶之季公嘗爲
御史大夫王鉷讚毀無何鉷弟鐸坐大逆有詔廷辨而竟
首詞引及鉷公自下列抗其矯誣朝廷謂之不黨其後程
元振僭用威柄有道從虎貴公停車致詰面折及畱在黜
無愠德仁遂行君子謂公誠盡於忠者在於禮外其身故
臨難不惑一其守故當事則明磅礴乎死生之間逍遙乎

晦明之境公嘗北使殊俗班命禮表擧于君長稽顙屈膝
 覩王商而知懼從魏絳而來服以言尚其直以動尚其順
 以成事尚其濟物以進退尚其得中孝弟愛敬格于天地
 厚信明義通於鬼神帝王得之以奉天時百官得之以脩
 典憲佐命者二后歷事者三朝皤皤華皓為國元老執璧
 奉珪一作觶在君之堂生食邑土歿垂惠愛豈祿以為尊者
 其孤正授辭家老請志于石以代三折林鍾之義銘曰
 元精一作混元降靈建乎人極邈矣冀公順帝之式鴻造覆育
 大鈞挺植業濟功成保和居茲帝念髦碩二登輔翼為時
 養賢以及萬國昔在上帝降命元老以仗愷元一作以
 明至道唐歷中否亦命我公順人載疑作天哉黎代共德
 嶽星隕仁沉海竭大厦崩崇山玉折頰袖前古綱繇來
 嶽嶺豐碑耿耿鴻烈永傳億祀遺芳不滅

右弼調若鼎味降祚而生盡瘁而終時貞元十三年年六

十一皇上震悼不視朝三日詔奉常具儀法冊贈太子太

傅又俾百執事為位哭於其庭吊祠禮贈集傳李有加等

二府之屬或銘其德於壽堂或狀其行於考功有司稽實

謚曰貞憲公之盛業斯謂不朽又舉其始中終之畧識于

神道公諱憬字退翁天水西人其先成子之文宣子之忠

文子之知人左丘明太史公實書之曾王父仁本皇司列

少常伯同東西臺三品以忠清勵翼多所發明乾封物章

之祭號為稱職王父贈趙集作州都督誼歷右司郎中乾

封縣令司僕少卿烈考贈鄭州刺史道先仕至洪州錄事

叅軍惟祖禰含章故慶延追錫崇構不矩復大於公公保

抱之歲生知色養羈冠集作之年則無幼志及夫被儒服

踐法言敬直而文蕭莊而溫端誠博物錯綜古今非大中

至正不接於心術寶應中玄宗崩肅宗幸梓宮有司議方

中復土之制時西鄙日饑歲饑人流公以王者追孝恤禮

宜儉褐衣上疏詞約指明君子曰此劉更生諫昌陵之言

也息偃江介名聲籍甚始佐州司乃辟戎車自試守江夏

尉三遷至監察御史其後翹車繼轍賢侯虛左大凡難理

之府皆待公為重歷殿中侍御史太子舍人集作丁大夫

人憂柴毀孺慕殆將死孝感導善氣降為嘉生有芝煌煌

秀于壤樹之側公默而去之人莫知者既免喪徵拜水部

員外郎未幾檢校工部郎中副湘中七州軍事居一年詔

領留府尋踐方伯以中執法錫金印紫綬罷職家居拜給
事中執法疊懷和比狄有下嫁冊命之禮復兼憲丞以副
皇華旋軫未至遷尚書左丞峻人用彰皆以貞勝其初撫
封上狩于漢中守臣之任憂寄愈切公恤隱布和仁而愛
人與師知訓善吏樂職行之三年教化明備底貢有藝賦
政不煩繁矩以杜奇衰露章而無吐茹飛語雷動明誠山
立受代踰年事實敷聞故有左曹之命講貫舊章惟真是
視刑或失入議將必還公望日盛其勤靡監故有和戎之
役致賜諭旨協寧殊憐疆場之言專對而不給紀綱之僕
承事而不征保就安利北方咸悅故有在途之拜整南宮
之紀律起郎吏之功緒風望素重法制尤精嘗歲終舉吏
可以長大者或以其細故深詆將以病公公乃移書自訟
請下其考有博大之度無怨欲之私一臺承式六轡在手
持綱體要善否有章故積公輔之望貞元八年夏四月拜
中書侍郎平章事明年五月轉門下侍郎以厚德載物以
全才宣化舉直盡忠敷納諍集作將明正王集作百是度之本去
一朝之便事有統紀心無面從嘉猷匡英華被諱作謹言鎮定弘
大謙厚而不伐持平而居易闢邪塞違貞厲而不校陟恪
始終帝載用和戲疑夫先正集無正字帝伯歷左肅機東臺侍
郎克著休功再叅大政公皆踐之是以仰之嘗以爲漢庭
諸公罕備有集作其用以石慶之醇謹而不能關決薛宣之
方畧而失於煩碎翟方進之通明而固其位公孫弘之節

儉而近於名公備集作有其長彼實多缺德西魏所更

無愧焉嚮使天與之年盡行其道則天之所化可屬既乎

故其登庸也士之仁者相贊而不仁者相吊其全歸也士

之仁者相吊而不仁者相賀斯可知已至若陸中外之姻

而均其祿賜嚴宗廟之祀而不理第室啓手足之日家無

餘財奉終卽遠待恩禮而後備難矣哉嗣子宣亮全亮元

亮承亮等伯季以門子為弘文生叔仲始解巾受祿皆稟

德風幼而孝謹以十一月景午時得吉卜奉公之喪祔窆

于河南緱氏縣景山之原禮也以德輿叨居宰士嘗辱深

知職奉贊書備詳盛烈俾刻金石聞于無窮銘曰

晉有成宣代稱忠勳先正崇伯匪躬事君纘復於公為時

獻臣德不踰閑心不違仁貞其所履以翼天子大猷

是經中立不倚乃賦明命宜躋遐紀吾道方伸脩途遽已

緱原蒼蒼宰樹成行令名章章樂石在旁噫嘻太傅之風

未代不忘

故朔方河中晉絳邠寧慶等州兵馬副元帥河中

絳邠節度度支管田觀察處置等使元從奉天定

難功臣開府儀同三司檢校司徒兼中書令河中

尹上柱國咸寧郡王贈太師忠武渾公神道碑銘

前人

天地訢合以生萬物文律作嘉其成歲功也則有肅殺震

懼之助焉君臣保乂以熙百志其講武功也則有經綸翼

戴之輔焉龍蛇起蟄山澤通氣與運相值有開必先斯太
師所以宣力四代稽謀七德輝煌威靈勳身濯行集作征是靈

征集作風行乃緝熙于光明故瑀戈淑旅以嚴師律黃流

玄衮以正台耀湛露彤弓以覺報宴納書追命以榮恤禮

蕃錫始終如公之功公諱臧字某其先夏姒之後為淳維

漢劉之代為渾耶或強以文粹無為國集作或強或分以

保文粹無姓貞觀中開置州壤就加官師曾祖元慶皇豹

韶衛將軍靈丘縣開國伯祖大文粹壽皇太子僕贈尚書

左僕射考釋之皇開帝儀同三司太常卿兼御史中丞寧

朔郡王贈司空惟靈立紹先公之職居次卿之重僕射以

積厚充家寧朔以偉才雄邊貴仕崇勳乃列茅社流光追

遠是加密即回復介社開先元臣功昭于前人德合于太

君建中癸亥翠華西狩公以太司馬艱貞翼從部勒戎車

揣摩殺機勤勞行內為上心膂登壇授律誓命交感如漢

拜淮陰侯故事而又加焉乃進左揆遂叅大政物賦輿而

為之師長恢王畧而以之北伐克黨盡銳壁于武亭公以

事鉅師老則傷威重正合奇勝在於疾力奮寡擊眾鼓行

無前殲夷潰弱如建瓴水中堅席勝又覆於咸陽長轂啓

行既闢于延秋會西平王以專諸侯之師清宮獻捷公乃

抑其賈勇須彼成功室士心之尅伐息兵火之氣焰然後

窮追斬級寇孽以平備法從於清蹕捧大明於黃道告類

薦功登拜上台撫封尹正復與虜确文粹時比平王出大

鹵收絳臺而公已惣成師下左輔於提緝忠力揚奇鋒復

離宮拔堅壘衝陣壓境傳于蒲津金鼓之聲氣相合山河

之表裏皆復渠魁授首師帥協附安流以濟方軌而前士

不離傷文粹作離傷工不易肆二文粹作殄寇正刑四方戒緜

論道正律乃平水土秉誼靖人以脩班制休嘉賁于草木

利澤逮于鰥寡言為軍志動為吏師貞元景子政成一紀

進掌邦教遂居右弼十五年冬寢疾集作病十二月辛未薨

于理所享年六十四皇上悼歎不視朝五日冊贈太師賻

集作賜吊祠有司備物大僚襄物明年二月甲申葬我太

師于萬年縣洪固原太常跡其功德奏謚曰忠武禮也初

公年十一以將門子仕于邊部未弱冠五遷至左驍衛將

軍始從朔方之師戰黑山次從隴右之師摧石堡又嘗西

出臨洮奪昆夷之善地而為之壁壘北絕太漠破僉佻之

堅甲而焚其廬帳又從汾陽王臨淮王討反虜于山東南

攻贊皇比取真定射其特將李立節貫于左肩斃之又五

遷至太常卿皆以功次其間開地于河曲以靜九蕃宣威

于陝西乃定三川凡王師之所以尅獲都邑元老之所以

發揚蹈厲公必居其先偏而當其勅劇故以御史中丞為

靈州左司馬以御史大夫為邠州刺史以工部尚書為單

于大都護專征上郡榆林之地入為左金吾衛大將軍又

以戶部尚書奉晉王出車之重自時厥後投艱感慨能納

大忠以恤大事理蒲十六年再陟公台以司空兼侍中以

司徒兼中書令大凡歷官二十八次真食千八百室居節制者五副元帥者四材力絕人始封樓煩方內洽平乃進咸寧凡汾陽王九代之勲公皆左右四履之地公皆踐歷憫冊師禮法謚尊名公皆如之所不至者壽而已矣惟公厚性寬中智謀深靜秉義類以賦明命植端誠以糾王慝講功述職遠意長利執德之柄蹈禮之輿致其用以格天啓其心以沃聖協建皇極為宗工元龜雅好左氏春秋班氏史得考父之恭范宣之讓驃衛之功畧黃韓之教化又嘗慕太史公自叙著作集無行紀文粹一篇詞不矜大而事皆明備有子五人曰殿中少監鍊太子中允鎬太子司義郎鉅櫟陽尉綱雲陽尉鐵著位于兩宮以奉朝請試吏于縣內以脩事任食德而才真訓而忠皆以純孝致其哀敬令弟輔國大將軍右領軍衛將軍武當郡王玘與諸孤等推承景鍾之義因識集作表以聞有詔詞臣刻石傳信乃採其贊書侯表作神道銘銘曰

北載斗極陰方尚武玄金朱轡錫命都府太師間代感會雲雨四征庇人九合尊主昔未成童則能肆勤卓行深入致果忘身弱冠摧鋒環列南軍中興之後書述策勳援抱兩河轉戰三秦靈朔邠邠所居必聞出統蕃衛入司徵循時丁厄難節冠群倫逋誅翦結狂穢宮闕西平鞠旅公亦授鉞既臨延秋如火烈烈林士退舍時惟不伐侵殄乖方蒲津未通北平釋位公實撫封胥命長春克成厥功開壁

勞軍靡有不公以律則臧在和而克時惟太師有嚴有翼
乃敷仁澤乃布條職時惟太師有功有德三公二府是獎
是陟祿印易名以尊以飾材官介士鹵薄悽惻大隧解原
終二本南之比萬邦作憲永代是式追琢馨香與唐無極

故宣武軍節度副大使知節度事管内支度營田

沐宋毫穎等州觀察處置等使金紫光祿大夫檢

校尚書左僕射同中書門下平章事西郡開國公

贈太傅董公神道碑銘 前人

漢興五代孝武思理膠西相陳天人之際王道之端昌言

大對統紀條貫純淑積厚遠而寢明帝唐九葉順考古道

隴西公兼集作將相之重承尉衛之崇恪心宣力作率慶

中陔恪宗工能積其烈公諱晉字混成河東虞鄉人廉忠

溫厚絜矩通理秉義以立故不為利疚知動之微故每與

告景作會初肅宗受端命以台兵車思欲去元元於湯火

致王度於金玉以文告威讓遠猷密命之為重也故公解

巾披荆校文視草凡三徙官被以采章代宗御天下乃清

吏職以為文憲彌綸陪貳事任百辟交脩則理道洽故公

再入御史府三為尚書郎歷祕書丘長府奉常武侯之亞

今上建皇都以纂鴻業思代天工俾寧方內故公出入屯

夷昭明有融中居大僚以至柄用貞元五年春三月拜門

下侍郎同中書門下平章事居五年除禮部尚書用耆碩

俊德轉遷兵部分正弘化以本官畢命為東都留守東都

畿汝州都防禦使安危注意以左揆持相印充宣武軍節
度汴宋毫穎等州觀察處置等使十五年二月丁丑薨于
位享年七十六罷朝三日追命大傅有司易其名曰恭惠
職喪法賻皆俊彞等所以視其踐履而加優之也初公以
祠部郎爲出疆從事北方之強驕蹇否負伐功怙力徵我
厚弊使臣指顧公攝其詞詞達氣直虜皆震伏殫威命於
專對輝光華於外區仁者之勇沛然餘力其爲太府未決
日而理乃珥貂蟬實兼憲丞合章以承顧問秉直以司紀
律脩起故事京師肅然其爲華州徵赴行內以祭酒
集作絕亞相使于北河其往也薊門不出關東多壘習俗故態且
相附離公則破其從約使循軌道其還也蒲坂旣阻王宮
未清婪婪二逆恣睢相舍公則折其兇謀因以鬱沒憑櫛
有勞扈蹕而旋益用尊禮大其職業司微循也五校嚴備
持重而不苟處網轄也六職遵脩舉直而不紊典禮樂也
百神咸秩薦信而不黷其爲相也上載元聖下熙百工柔
惠小物協寧大政推明常古之制章叙理平之業粹和而
不耀敬讓而不居言陳於前不可悉數拜章八上然後得
請其撫封也尤爲難理先是在宥推恩叅授兵柄至有恃
凶器以邀好爵者氣燄不還風波相沿是邦再亂人用恟
恐上以爲陳留天下之郊也非素重臣不可以率先賦政
公旣受命與一二從事記室儒服而前不待裏言不恃悍
衛寬信夷易聞然風行長城大蔡蘊在靈府悍將伏罪齊

人樂業四隣諸侯折中於公居四年政成力疾累求入覲
因條陳利病請制於未然上難其繼以致沒代噫夫一邦
之人得公而理失公而亂劫介夫殺大吏猶原燎厝潰於
不可遏嚮公之嘉猷密疏如前知焉其明智歟董氏在秦
秋時書法不隱在戰國時贊明命聞於諸侯自膠西而下
淳耀溢大在魏有司徒昭在蜀有尚書令允扶義納忠以
幹機衡其族舊矣公會祖仁琬皇州博士祖大禮贈右散
騎常侍考伯良開州新浦主簿贈尚書左僕射三代有令
德而無責任蕃祉所鍾發爲追崇宜哉有子四人秘書省
著作郎全道秘書郎溪大理評事全素太常寺太祝澣等
其承學也專其就列也敬旣焉而孤纍然以哀日於先靈

象數協吉以某

集作其

年十月丁酉奉理命家法薄葬公于

河南縣萬安山之原以前夫人南陽張氏繼夫人京兆常
民祔焉從周禮也惟公自筮仕至捐館四十五年無伐善
無違德歷官三十六皆以理効聞自建中以還居中分閫
再調昇實一人而已范文子所謂厚德者能享多福惟公
有之全道等猶懼懿鑠之不求于後與陵谷之有遷也以
德輿奉行公之命書者三宜金石刻故跡其誅謚而爲之

銘其詞曰

后王財成雋又昭明以建皇極甫申居內亦邵理外周邦
是式於惟隴西求福不回文武宣力調和公隸整訓長穀
柔惠且直膠西章章道可三王屈相下國綿代儲慶至公

盛位實配德子子于旃昔往浚都浴既經意翻翻素旗
今旋洛師人用懷惻惟是壞樹資於四布萬妻之側德輝
在茲末代有詞予以篆刻

齊成公神道碑一首
左僕射賈耽神道碑一首
故中書侍郎同中書門下平章事太子賓客贈戶
部尚書齊成公神道碑
權德輿
有唐文學政事之君子曰相國齊成公諱抗字遐舉清方
粹溫絜矩秉懿明誠盡性切磨集作化育之道精義入神
旁魄天人之際以忠事君以病乞身乃去台宰乃儕商皓
然後徹琴瑟落手足歿齒無違德以從先大夫於九原易
名曰成不亦宜乎公定州義豐人自太公表東海桓公匡
天下爲國爲家或哲或仁烈祖贈太師府君諱幹歷給事
再膺再寶一入而日英文千流鶻單懸香鼎享冬留卦公
無盡無疆官三十六皆以聖慈開自襄中以嚴吾中衣闔
刃楮焉封固野也封公自登封至能詰四十五平燕外善
河南魏萬安山之京以節夫人南國兼列繼夫人入京其
集德輿吉以某其 辛十月丁酉奉聖命宋去其公
文苑英華卷第八百八十七 碑四十四 神道五
將相五

齊成公神道碑一首
左僕射賈耽神道碑一首
故中書侍郎同中書門下平章事太子賓客贈戶
部尚書齊成公神道碑
權德輿
有唐文學政事之君子曰相國齊成公諱抗字遐舉清方
粹溫絜矩秉懿明誠盡性切磨集作化育之道精義入神
旁魄天人之際以忠事君以病乞身乃去台宰乃儕商皓
然後徹琴瑟落手足歿齒無違德以從先大夫於九原易
名曰成不亦宜乎公定州義豐人自太公表東海桓公匡
天下爲國爲家或哲或仁烈祖贈太師府君諱幹歷給事

中中書舍人吏部侍郎止於平陽太守出入陟降中行山
立至今言開元名臣者稱公有遺直遺愛焉實生先公贈
國子祭酒府君諱詡履道貞厲仕至左龍武軍倉曹積厚
於上流光於下其位不克故大受於公公既亂而孤哀過
成人屬幽陵橫潰中夏如燬奉太夫人安輿違難於越得
子州支伯之故地而偕隱焉誅草茅以順居息悅山水以
資仁智方茂天爵用觀靈龜嘉茹招重問奔走以狎至虛已
弘道從容而翔集吳郡張相若鎰方以仁義理濠上得君
爲榮及進律于成師于岐累爲命介若驟有勅建中中戎
王謀大和會以休寧西方有共風綿亘沂隴地當旣脫且
有成命正其經界公實佐中興登壇蒞盟得其情數與之
約結克就衣裳之會用銷邊鄙之警自解巾三遷至殿中
侍御史俄屬涇旅竊發群盜擬災天兵展義於旬內王公
死難於理所百舍奔問至于行宮拜侍御史有詔以蕭黃
門復布愷澤于東夏命公爲工部員外郎以贊焉復命轉
倉部郎中李懷公阻命于蒲連兵未解關中飢旱經費不
足轉粟饋軍濟時之艱患求才急病命使以轉達遷兵部
郎中兼御史中丞以董其任俄拜諫議大夫當軸者不相
容坐婚親細故出爲夔州刺史先是山越寇攘蕩覆城寺
公乃卜勢勝之爽愷因習俗之便安三時不害百堵皆作
朝典陟明拜蘇州刺史其實劇勩大田多稼浮淫冒沒吏
禁或弛占著名數戶版不均公乃闕其生齒書其比要強

家大猾不得蓋裁公特單騎與之行息也乃手厭猷茂
焉遷潭州刺史御史中丞湖南觀察使以贊時二部之理
而弘大之其仁可知也左曹理本微為給事中周郊寄重
擢為河南尹盜有宋瞿曇者白晝推剽為郡偷襲橐三川
病之幾三十年公法令嚴具網絡張設名文粹捕魁宿使
無遺類指顧之間擒擿如神乃作秘書章明文雅脩舊以
起廢乃作太常統和神人節事以辨志便蕃大條其道乃
光德宗皇帝方以堯舜氏聰明之道馭天下用賢人克相
位拜中書侍郎同中書門下平章事熙九功之歌質百官
之成損益文獻化裁形器精微以折衷密靜而不伐或事
隱於造勝或言行於沃心初天官氏每歲表他曹郎二人

閱多士試言第其甲乙春官氏俾考功郎文粹有選考秀

之親故者而進退之公以冢宰少宗伯為官人取士之本

蓋天子有司之重一有寄字至於避小嫌亂舊章適滋岐旁孰

謂高鑄蹇蹇坦坦之道豈如是耶然後闢康莊文粹作衡

尺遵公是之路去自便之私天下之人謂之理道尋有認

脩國史昔孔父無位以空文為一王法公當盛聖之代用

筆司物直筆其於褒貶勸懼明焉勤慮盡瘁積成寢恙繫

章乞告改太子賓客遭罹不淑贈戶部尚書時貞元甲申

歲夏四月春秋六十有五夫人河南獨孤氏某官某之女

賢明蚤夭繼夫人蘭陵蕭氏某官某之女仁順有禮法

子鍊銜恤毀瘠侍公裳帷以某月日相于東都某原喪

哀敬君子以為有後惟公深而通肅而寬出處動靜必以
中正敬用五事暢於四支資性儼恪尤表鑒裁在岐也薦
齊忠公映佐蕭也薦蘆恭公邁皆至丞相其他推轂下士
為朝廷臣成天下重名碩望者不可勝書凡所論者皆研
幾析理弘雅夷遠洪州文宣王廟碑張蕭肅三相國碑誌
本聖人教化之蹟推大政暮明之道固其性術講貫而發
舒乎斯文文集二十卷中倫體要盡在是矣公薨五年鍊
調為洛陽尉永惟先烈未刻豐碑以德與夙承湖海之舊
中忝披垣之屬他日舉代靡形話言獲於遺編實見陰德
顧茲無似有玷知人濡涕含毫以表幽宅銘曰

晉在管丘大風泱泱有倬平陽令聲章章不踐宰政貽慶
正 鳴起扶搖鸞翔慶霄乃登紫微以瑞清朝吉凶糾纏寒

暑結轡其生有涯其用無極壽堂冥冥冢樹森植揭茲馨
香終古是式

左僕射賈耽神道碑

鄭餘慶

公諱耽字敦詩其先長樂人也七代祖元楷因葛榮之亂
避地始徙家於浮陽隋開皇中改浮陽為清池今為清池
人也烈祖遠則皇德州長河尉祖知義皇沁州沁源主簿
贈揚州大都督考琰之唐宰相世系表作元琰 贈尚書左僕射皆才
光道溢器位非偶積善有遂鍾于魏公公天寶十載明經
高第乾元中授貝州臨清尉州縣之職與公非宜兵戈甫

與時不韜才公詣闕獻書授絳州太平尉太原節度王思
愼察公器重識高丞冰萬頃署度支判官轉試左驍衛兵
曹試大理司直監察殿中侍御史職並如故遂遷檢校繕
部員外郎兼太原少尹侍御史北都副留守仍賜金章紫
綬就加檢校禮部郎中凡歷數使賓待益重竒才愈茂弘
器日彰天下士君子推公為棟梁遷汾州刺史在郡七年
憺怛之愛忠利之教序四器導五常百姓日用而不知熙
然致於仁壽烏足語其瑣細歟徵拜鴻臚卿兼左右威遠
營使通夷狄之情序賓客之位其有素矣是歲拜梁州刺
史兼御史中丞山南西道節度觀察度支營田等使加朝
議大夫封廣州男時守臣梁崇義恃漢水峴山之險負固
傳公受詔領麾下沿江東討降均州屯穀城所向皆捷
以功加銀青光祿大夫上以慎理軍旅以信夷夏邊封謐
清而百姓晏安是時故山南西道節度使相國鄭公震洎
邠寧節度使張僕射獻甫或為部刺史或為都將皆雄毅
宏達常流不及忌能飛語危疑是懼軍帥之例罕有全廢
公前推信誠中發坦蕩咸以事曉加之慰薦竟垂忠勳兼
佩將相引張推受服微公之恢朗洞識二人曷能臻歟
在鎮三年遷檢校工部尚書襄州刺史御史大夫山南東
道節度觀察使
常謂廷致誅詔公為司徒梁
公勉招討副
安不置為副寇難未平徵拜
工部尚書職
將俄以本官兼御史大夫東

都留守判東

都畿汝州都防禦使又如

東都畿唐

使舊例居守不出王城公

以射藝絕倫

宿在言前優詔特許

符郊甸允所

檢校尚書右僕射充

義成軍節度

使屬有鄰師戎兵

邊魚服鶡冠

軍三千公弛析罷警門

重延廊廡坦

易信誠挺出今古海濤

畎澮安得不

服其洪濤峻嶠歟凡更

風疾懇形封

章御札名方與十金之

而護瘳貞元

九年入覲拜尚書右僕

事朝廷為之

寶嚴廊為之重天下以

來加金紫光

祿大夫轉左僕射依前

依前左僕射

平章事遷檢校司空

盈門中使填

路嗚呼有盛衰也有

死生之變大

也愚智同塵賢不肖

御史先府君

追贈太子中允先夫人

歸本郡遷葬

鄉葬之先府君累尚書

贈齊國太夫

人累尚書左僕射

太夫人廟貌

親而載劬啓手足而

夫始卒之道

冠華十月一日薨于長

光福里之私

第

卿渾鍊持節

奉詔葬長安

陽原夫人贈書... 武功... 守忠之...
 處士珣之女先公... 而合葬焉...
 也長子曠太常寺... 郎於... 議...
 手曠京兆府... 在汾州時於戒行尼寺家童...
 得晉西河王分司馬... 碑太康中尚郎索靖八分書...
 蕪蕪之下字可辨者猶存大半有割太原四縣以為邦邑
 之語公再建於寺殿之前為尚書時懷魏鄭汴軍聲未輯
 詔公宣過而兩家之難解抑推君命且曰服寬信也公既
 習經籍老而不倦九流百氏靡不該覽通夷裔之風俗盡
 山川之險易歷代沿革之自百王廢置之由關塞通塞之
 因牧圉盛衰之異道程疎密之準要荒享獻之數聚米畫
 成於指掌矧夫丹青神化縹緗摹述數十年來西戎陷
 我河湟其圖籍志錄泥絕散落非公強力精專踪躡貫穿
 靡書不探雖賤必訪則自开隴而西傳疑唱謬紛紛不已
 已化為奇昧天意若曰釋公之聰達精博拯厥將墜一作
 歎興元元年詔公撰國圖貞元十四年先獻關中隴右及
 山南九州等圖又撰州錄六卷吐蕃黃河錄共四卷優詔
 褒異賜馬一匹銀器數輩綿絲三百疋十四年冬撰海內
 華夷圖成并撰古今郡國縣道四夷述四十卷貞元十道
 錄四卷賜馬一匹銀器數輩綿絲五百疋又內出銀盃三
 盞殊渥也於歲渤海左... 前激決泮其地氣必將有
 以孕育哲賢發明盛時... 詞為... 探... 為... 如...

文苑英華

仁萬夫之望豈特河海也乎哉其志動輒回下
星精為忠為孝為聰為明為公有大度容物
也浩無津涯而格慎兢矜不有怠也其有
肯祭而端方肅然未嘗離也公奉親以孝妻室以忠待天
下以信傳識以強力兼隅以砥礪居台座者三年秉戎律
四鎮垂十五年產不過中人日給有不暇之意非夫脫落
塵機翱翔青冥孰能然哉天郊穀之閱禮樂敦詩書祭遠
雖在軍旅不忘俎豆祥吉之不過汗丞相車茵劉寬之無
爛汝手叔度之涯淡元陽之不伐衛玠之理遣情恕公感
頡頏恢博得其燕備者已公考求六藝張弓挾矢允謂臻
倫連璽冥冥之羽雙貫五采之翬殪獫狁之獸圖畫歌謠
噫嘻君子多乎哉文章之製博達而清約盛矣著述有未
就者歿有遺一作餘恨痛隣等知公歟疑作與餘慶有忘年之
眷見託紀徽烈俾鴻代芬芳不歇表唐得賢臣之目焉銘

曰

圓方既明渾淪粹精辰耀騰溢降為賢英郁郁魏公薰然
淑清脫落瑣細曾吞長鯨其天寶之季前塵荐起懷策上
謁言塵可止少年下位事不行矣命官絳臺渥澤伊始其
車騎開府司空晉陽萃賢揚幕優游抑揚惟公聳然落落
堂堂群議乃曰允膺巖廊其剖竹西河衆蘇情結風俗不
變載欣一作昏載悅六鈎服猛雙鴻一發式是威武泚泚烈
烈其入掌九賓羽儀清都四夷荒職貢畫地圖帝曰漢中

實惟爾區廷授龍節雙旌碩儒其惟轂漢南乃司冬官保
 釐成同白馬登壇更踐數鎮撫人以寬或三四年遂成勝
 殘其徵弼中樞朝廷為實謀不外揚功宣造膝與物宥過
 意工言質天下日用曷由窺室其知命今死生齊松楸列
 兮埏埴成蹊海曾兮渾渾浩浩一指今和天倪謬知言之
 重顧銘藥石兮悽悽萬物或幾乎息矣惟公德兮竟濟其

文苑英華卷第八百八十七
 碑四十五神道六

文苑英華卷第八百八十七

碑四十五神道六

將相六

故丞相尚書左僕射贈太尉王公神道碑一首

故丞相太子少師贈太尉牛公神道碑一首

故丞相尚書左僕射太尉王公神道碑 李宗閔

上即位五年正月丞相左僕射太原王公以癸巳一作癸未一作發

疾其明日遂薨於位天子震悼愍惻遽命內謁者詣其室

索其所以飲食寢作之端既詳其無他狀遂贈一作布帛

菽粟率用峻等既又不塞痛軫之意加內府之絹千疋以

賜之為之罷朝三日命兵部侍郎一人持節駕駟馬一無

簫鼓出自正殿直抵柩前冊公為太尉葬有日官給秘器

及就途遣王人亟臨視之命羽葆旂常輅專之飾皆及墓
俟其返虞鼓聲四節於里第而還示不與常制等也其子
鎮以宗閔晚陪公於相位之末稍窺公之行請銘其烈以
垂其後且不宜拒遂鋪其犖犖所能言者於金石云於公
講播字明敷太原人周靈王太子晉之後以歷世爲王因
而受氏高祖蒲汾州長史生大璉嘉州司馬給事中司馬
生昇一作昇非咸陽縣令太子少師少師生恕揚州倉曹叅軍
尚書左僕射公僕射元子也忠敬而本仁寬明而有制內
顯而敏外肅而和貞元十年舉進士第是歲策賢良以直
言校書於集賢殿其言平戎經國之術粲然可舉調尉監
臺斷獄首出御史中丞李汶愛之奏爲監察御史按雲陽
源咸季以賊免用疑文不宜調而調因謁於臺遂捕劫
之追奸胥窮律旨奏流咸季刑曹郎一作郎罷所居官給事
中以省詔非是奪俸緣而坐罪者甚衆自是風聲不可遏
矣爲侍一無侍字御史時京兆李實文皇寵一作所委能禍福卿
士凡其榮衰繫所附背舉朝迎避其鋒公在途而實來揖
公移文詆之其詞可羞實遂奏公爲三原令求其不足於
禮以持之公至尹署洎群吏之館還其邑敬府之禮無不
具實旣出其筭反加畏焉縣之編於戶者多中貴人前令
率不能自爲其政施一作馳張牽之公悉召所謂貴人入坐
堂中一作當拜曰敬桑梓宜如是也邑人大駭從其所指爲
長安令朝廷方恩于頔而以帝女嫁其子民有與于氏蒼

頭同盜人馬者前令捕民而縱其蒼頭公給至縣即立取其奴與民均其法知御史雜事京師饑穀越價京西諸侯相率閉粟公移之一書徵秦晉泛舟之說西鎮惴惴收去條令粟流于秦元和四年為御史中丞歲中知京兆尹六年為刑部侍郎克鹽鐵轉運使上言流人會赦而歸獨豐一作配一作囚為隔遂無還者請率以七歲為竟至今用之尋加福部尚書益以御史大夫又以戶部尚書節度西蜀長慶初觀穆宗言中外之事遂留為刑部尚書復幹鹽鐵冬拜中書侍郎平章事仍其職匡維激發始以進賢為急上方有意河朔以財賦始出於下一作方一作十一二年公用相印為淮南節度使以其職隨之四年言事者謂鹽運之誤宜留

京師用制方上加檢校司空去其使未幾上念公成法又一以使屬公加司徒今上踐祚急詔徵公至即拜左僕射同中書門下平章事仍其使尋兼太清宮使累進爵至太原郡開國公食邑二千戶進階至金紫光祿大夫年七十二而薨公入官三十二政逮事六帝出統楚蜀之師入極台宰之尊前後三惣鹽鐵既出一作去一作又復幾二十年天之所覆地之所載寧有獨私於公耶必有以當其然也一署吏苟不犯無能奪其任者歲時奏課至於榮太史胥次遷亦如之故人用交其為善莫有欺公者雖遠至海裔若物惣管捶窮年不死一吏一職而群務自濟凡朝廷平淮取鄆屠汴下滄海一作者不為者十五年饋餉資費隨其緩

急而立辨沛然若神給其間濬琵琶導頴河以潛輕舟師
人坐受其飽瓠三門換流石以濟巨艦關東遂亡其機虜

皇甫鏘之強敏而錫反姪公移上公猶不知至謂其長者
論景忠信矯制釋此字廷撓之將期必抵於罪時服其鞶

深涉徐境導組語而為忠槩人曰真宰相器也權征之外
有雜緡率貢內帑號為羨進貞元中歲不過十二萬緡及

公歲貢百萬緡凡國有大征伐不慮其費之有無洎丞相
晉公專征討之事兵食悉出於公公方一無從容以贊其

成及滄景平公有叶力之助自御中丞京兆尹物賦秉政
未嘗書笏為記善於啓奏天子不能自守其喜怒公以專

志持務密匡於上行已寡徒不喜代露由是數帝任遇多
被恩澤權利去留如在諸已人多意公能詭合於時及公

拜持相印與晉國洎一二公同輔於上趨嚮甚直雅符於
道苟所舉公是公必扶之即非是公遂嘿嘿不和由是上

知公厚重而同列亦優待之乃亮公之所為與嚮之不知
者期公蓋甚戾也公既屈於名而伸於富貴豈非盛德君

子神明之所祐耶故夫人清河崔氏給事中鏡之女嗣子
鎮一難一前一秘書丞砥服名教不以丞相子自居其身

次日冰結一京兆府丞軍事其器甚遠一作先公之
仲弟曰泰季第四起與公三人俱用文學奮於近左西遊

長安劫中甲乙特權之公自一作不幾而而起以左
部尚書司國之書對朝之書交一作乘更賀群吏之執

繁夥一如公之壽其年於世雖求也其從事設樹國程

果今則州相國故公之言其地分居中外羅手一作臺

者不啻三千人銘述在處太和惟帝聖神圖任禧台一作

乃相太原維是太原福祿其壽再持化權樞揆職聯兩統

劇藩楚淮蜀坤始自元和公秉貨泉歷憲豫故一作惠

頃一作茲聖君四帝財征去公執親惟煇惟鑄惟範惟聚或

惟聚一作東掃地珍王之所怒帶甲百萬唯一作食唯巨俾公

尸之不勞而具變通以時物無滯遺一作細條一施莫越

其規御衆以仁中控其機信行恩馳罔有詐欺公之惟揚

漕務其將公之留庭職與公并首尾貫聯已二十年相府

使符隨其興殂公之敏智顯爵自至不紛其外姑真一作

其裏始承其風畏公之邃及與之同沐公之義一作仁人

之跡歿而乃熾揭於茲碑不仆不倚

故丞相太子少師贈太尉牛公神道碑公李珣

天球河圖有國之大寶麒麟鳳凰王者之嘉瑞方於賢彦

即又次焉天佑我唐才傑問出輔時興化代有其人公諱

僧孺字思黯隴西狄道人本子姓漢有牛宗為隴西王簿

因家焉代為西州豪族八代祖弘仕隋為吏部尚書封奇

章公佐佑文帝有重名於時高祖鳳及一無中宗時為春

官待郎掌國史曾祖休克集州刺史贈給事中祖父紹太

常博士贈太尉父幼明華州鄭縣封贈太保公七歲而孤

依倚外族周氏歛歛卓卓有老成之風以喪禮自處未嘗

戲弄年十五知先青章公城南有隋室賜田數頃書千卷
乃辭親肄習孜孜不捨蚤夜泊一作四五年業成舉

進士軒然有聲時韋崖州作相網羅賢雋知公名願與交

公袖文往謁一見如舊由是公卿籍甚名動京師得上策

聯以賢良方正舉又冠軍科策中盛言時事無有隱避持

權者深忌之出為伊闕尉名府賢侯羔鴈繼至封章屢薦

毋為中執事所阻皆不滿秩從潞帥郗士美簡授管記三

奏不得請竟除河南尉會有次對太寮因言事解於上前

遷監察御史丁太夫人憂服闋除本官轉殿中公以文高

氣直累歲堙屈問望所屬推美於臺閣間入省拜禮部員

外郎時孟尚書簡有重望以地官貳卿兼領綱憲薦公知

雜轉都官員外兼侍御史免憲職授考功員外郎康賢學

士穆宗即位宰相稱其能遷庫部郎中掌書命召對與語

上德之面賜五品服未幾遷中丞每對延英必移時蓋言

天下事有武將直臣為密州刺史豪奪聚歛以貨數百萬

厚結權貴公按之為有力者排幾不免竟以詞堅理直遂

意迴直臣乃得罪由是上以清直知又面賜金紫拜戶部

侍郎時望允一作塞中書令韓弘以財投分公拒而不受

上因他事得一作之愈賢公遂作相持重顧大體不言細

事嘗謂同列諸相曰致理之本流品為先彛倫攸叙蓋謂

此也每惜名器力與同列爭方鎮以不蕪聞一作者輒奏

貶以賄賂求進者必阻之龜是李司徒逢吉與杜循州元

穎同作相穆宗寢疾議建儲武與公不協後元穎出鎮并
絡逢吉銜之恩有釋憾於政事堂謂公曰西川前有廢丘
謀上熟知之來日延英發其事公不知稟勿沮議公曰王
導有言吾雖不殺伯仁伯仁由我而死正近此耳又安得
不言哉逢吉喑鳴而止敬宗年少嗣位公雅善敷奏每言
一事必本末陳之上甚倚愛同列挾中助力赫赫妬公之
賢公亦思避其鋒三上疏求外任上以武昌善地建節幢
兼相印以授之既至問人所病害咸言鄂土踈薄歲一脩
城役工誅茅人用咨怨公默許心計埏泥範塶未及三年
盡換舊制崇墉堅壁人到于今賴之文宗嗣位二年公入
覲詔復相位上雅知公名一見恨得之晚會宋相申錫以
廉介聞巨姦鄭注挾北軍勢卜射取財貨富侔於國忌宋
之直陰畫詭計誣與藩邸通因內臣而上其變造作似是
衆皆符會上驚聞激怒下法吏議其罪諫官伏閣爭不得
公入侍密啓上意乃寬止於郡佐公實有力今李崖州鎮
劔南西川上言西蕃別屯以維州降帶甲之士甚銳其地
要害得之足以壯邊却徐圖河湟此其斬也上疑不決下
南宮議百執事皆是西川奏公獨曰國家近與昆夷軟血
四鎮晏然今若自虧大信大戎恃衆見詰渝盟彼直我曲
未可量也上曰丞相之言是詔還維州初德裕承籍地勢
自負機術公介特素不與之交及是大不平遂成宿憾公
與李尚書宗閔同輔政出入殿省進退有度上偏目公曰

卿才類霍光異日可屬大事公懼蒲辭位再陳封章寵加
端寮出鎮淮海不改相印再登將壇揚州當江淮之衝
諭薄之倍公清淨簡易化人易風俾及五年臻於一作至
理倉廩實禮義行刑措政成脫屣歸洛優詔屢降雅志不
回拜檢校司空東都留守文宗將有大制置大除授必降
中使假於他方入皇城宣密旨獻可替否如在君前其信
重也如此俄以左僕射徵王人就賜官告特明異禮公感
恩雖厚退身愈堅一對而歸不詣相第亦有中阻未諧人
情又加相印出爲漢南節度使制出上悔之欲追成命公
固辭上曰且不與卿周歲別出都門特賜清廟器六事皆
範金飾玉如古時制宣曰以卿精忠用以貺別寵待之
當時無儔公到襄州均井稅薄地征人用胥悅咸歌來暮
武宗初纘極聽信未一行險者乘時而起凶德參會倒置
天下事清賢名被斥逐惟公位高德重最難搖撼縹緲
齟齬幾至二年屬大水壞居人廬舍公以實上聞仇家得以
逞志舉兩漢故事生災異策免降授太子少師時議不平
又還檢校司徒兼太子太保俄又改太傅再臨東郊劉從
諫死劉禎自擅以招義軍阻命天兵誅討五年方尅上喜
甚素忌公者媒孽鍛鍊誣公與從諫交上怒下詔旬日三
貶公至循州長史鑿空指鹿四海之士咸寃之公推運達
命恬然如得好官時踰嶺越險二年在海上無所苦今上
即位大明善惡三遷至少保轉少師牽復高位分司東洛

池臺琴酒逍遙自娛賢士大夫尚其軌躅未半歲遘疾薨
 于東都城南之別墅自嬰疾至于捐館譚笑語言寔居自
 若口占理命纖悉無遺上聞為之軫悼聯日不視政公卿
 相吊正人雪涕冊贈太尉遣大僚吊祭公端明商重忠厚
 誠慤平居私室如見一作對大賓不善釋老唯宗儒教早與
 韓吏部皇甫郎中為文章友其名相上下晚與白少傅劉
 尚書為詩酒侶其韻無高卑前後作鎮皆佩相印辟署多
 名難其一作於進而勇於退儉必中禮貴而不奢知命達理
 保和居易三領大鎮接護軍以禮貌不至交歡再入中書
 待樞一本有密字使以公平不容請托有恩必報有讐不校常
 崖州於公恩也嫁二女歸名士薦長子登用行李崖州於

公讐也恤竄譎之窮途厚供待於逆旅其厚德歟亦難能
 也夫人同郡辛氏贈僕射秘之女賢明懿淑稱於族姻有
 子五人口叢曰蔚能嗣其業皆擢進士第蔚監察御史叢
 使府協律曰奉倩洛陽尉二人未知名公以大中戊辰歲
 十二月二十九日薨以大中己巳歲五月十九日塋小子
 不佞早棲門墻考選第叨殊等之科開賓筵忝入幕之吏
 國士相遇筆札見知周旋款眷垂三十載刊石表墓一作德
 分也難辭公歷官三十一政作相一十九年逮事六宗光
 輔四帝承主恩必由直道解相印實無罪名自少及長不
 失色於人佐時理家無恃入之貨持身斤斤一作不撓履道甚
 夷嘗病在高位者不知止足終日抗論尅期拜章竟不及

年俾孤美志銘曰

公之生兮稟星辰公之道兮侔古人

此句無

公之才兮渾而

真公之性兮威且仁公之文兮斑馬隣公之藝兮游夏均

公之儉兮自我身公之簡兮無雜賓公之貞兮肅人倫公

之慎兮質鬼神公之相兮平如均公爲邦兮政如春公不

幸兮罹數叱公無辜兮介于循天開日明兮堯舜爲君舉

直措枉兮幽寬必伸牽復高資兮言旋洛濱逍遙琴筑兮

無異隱淪屈指懸車兮歎

一作

然十旬數懷未遂兮美疹

來臻悲纏鼻旒兮哀慟縉紳寵贈加等兮冠于台臣有司

職喪兮歸塋咸秦觀者歎息兮國人酸辛袁安餘慶兮

嗣煒煒陳寔道廣兮門生振振乃績徽猷兮刻于貞珉碑

生金字兮名德長新

文苑英華卷第八百八十八

英華卷第八百八十九

碑四十六神道七

將相七 贈官

御史大夫贈右丞相程行謀神道碑

贈右僕射王光謙神道碑

贈太師崔侔神道碑

御史大夫贈右丞相程行謀神道碑 蘇頌

御史大夫維弼之副尚書丞相粵官之長若廢堅是勅山

雷為式擬續之 一 懋追榮末 一 極可也聖皇執象增

天報功元老協斯捧日疇責將詔頌其美稱用命伯嬰與

之佐佑存趙立孤可也廣平之傑出者公名則字行謀世

以守行始終不易源彼二烈泉乎百代門閭當華嶽之峯

英華卷第八百八十九

碑闕倚桃林之塞遷自吾祖定成我居作鄭人矣曾祖諱
慶隋長子令祖諱德淹隋太康令考諱藥王皇秋浦令子
男樹聲太崇於官閤令長傳業夙振於台揆况一變從道
三稱靡風乎公神靈特應金火殊發含照灼而更幽蓄堅
剛而轉銳常謂處山者猛不採藜藿成蹊者芳不言桃李
靜安獨行汎覽群書以管晏之謀迪訓貽典用申韓之法
徵奇勲要高深廣大盡在是矣志大好學首中甲科初補
潞城尉轉趙之平棘換虞鄉主簿任非待賢居是適用嬰
酷而罷居喪幾滅率由於至性每不勝哀禮闕入為鄆尉
時吳郡顧琮秉鈐調餼致公密啓授萬年尉尋遷左肅政
三察御史裏行歷二尉尉字一左右肅政丞侍御史

後雙拜周旋五人悉心果爭疑奚懼積承既制拉三

於威孤之張神羊既立挫三思於止戈之武固亦霜驅隼

勁露落鵬摧豈避儉言俄招毀議出為幽州司馬都督薛

訥以元帥綜戎仗權公為在端察設文備甲兵繕食一作倉

廩績絕漠以奔嚴城洞啓遷定州長史未詣職入除金部

郎中景龍六年鳴牝肆孽分宰京邑先屠戚黨吏部人相

徂獄市皆紛徵拜公長安令丕弊不辜大安所屬無何除

將作少匠少府少監飾懲二字愛費閉奢曾不無益而

成有差登加七命食子子俾侯於廣平國轉刑部侍郎兼

檢校送王府長史司寇持平以議罪君王好直而請由是

用刑不頗為善最樂也明年王正月我后時邁羣華順動

蒼駕巡遊幸朔方而經周漢陟河東而觀舜禹命公爲蒲
州刺史本道按察偉儲峙之鏡鏡服賦之狂期至人於道
路寔君子於雲天然後搏擊守寧澄澗宰理重因聽政顧
侍臣曰江淮之間風氣果銳吏諸施者朕已得之又遷楊
州大都督府長史公以作姦鉏撓法萬商利於舟楫三吳
貞於鼓鑄皇念勤矣徵拜鴻臚卿即授中監國開賓館威
懷柔服之序王列御府備物致用之殷則九卿不如六尚
書也公力主財巨細錙銖定豐省翹天地之蘇三字來自
西極溢水衡之貫獻于北宮擢拜御史大夫朝之紀也夫
端以憲職流爲法家含弘則弊於僥倖竦踊則嫌於激許
徒失得且觀一作與春公之度蓋不然森貌寡詞
嚴而惴察悞幽一作裁密我易躁而安動虞物
和矣群司晏如加戶益榮金紫宣命賚予虛佇丹青尹政
嗚呼方恒位事歛謝期頤享年八十有三以開元十四載
春之孟庚寅統日薨於洛陽之審政里第宸極悼焉行必
馳組請不釋服君云多矣一作一尚德二尚厚三尚齒四
尚舊以革而問遺中使者鴻寶金相一作望自關隸凶則
撫贈左一作丞相衾常疑布帛畫萃其家喪禮塋數邁趨
夷等伊我公蹈規懸解臨事默識至初疑爲心至公陳力
薄驕奢之行卑乃崇高重明哲之謀尊而壽考匪有倫有
要知至知終何致符契於君臣靈於存歿古未之効也
以貞爲謚然與其年暮春壬寅月朋啓塋雙表昭遂歸厝

于鄭之少華原禮也一子鎮之幼為尚舍直長稟義方之
誨成幹槁之能以杖扶後起黎黎孤立凡厥所嗟上之所
隕直清而美者則御史彭城劉彥圃同郡宋詢並謂勞人
抵服益承報國聞薦府庭朝夕棟宇遇甚恩結悲盈涕濡
相與開陳詔命甄用詞藻爰備刊勒宜存妙好顧秩重委
之司日其正兮禮者其不佞乎粗言銘曰
程伯休父膺厥命兮我公之貞保氏姓兮我公之德宣歌
誄兮至于天官翊明聖兮登以碩老資忠愍兮壽必待終
名轉盛兮卜而獲兆典實令兮嗚呼太史秉直少華爾缺
聖梓我京還即于鄭

贈右僕射王光謙神道碑

權德輿

天球白珩產於崇山扣之而清越格人莊士生於積德用
之而弘大其或含光而耀藏器不發乃熾而昌是滋百祥
蘊而為義方飾而為徽章故太原王公四筮仕而領通邑
五追崇而登端右循政茂於官下湛恩集於身後有繇然
也公諱光謙字某自東漢鴈門太守澤五代至晉中書令
獻之坦之葳蕤德名與吉祥一作佺盛自後魏龍驤將軍
長杜穆侯慧龍五代至隋秘書少監卻以勲華文學後大
其門秘書生隋揚州戶曹參軍來宋相世系表作戶曹生
皇青州司戶參軍子奇司戶生羨原丞贈太常卿慶賢三
代沉晦邁其風訓公即太常府君之長子也幼而岐嶷長
而淳懿絜矩慎獨抱純義閑深博辯之學稽古禮文之

事炳然含章靡不通貫蓋若文舒之清脩廉實處冲之剖
析玄微安期之弘愨懷祖之沉靜合是家法而躬行之始
以門蔭受署凡四徙官曰幽州三水潞州潞城二主簿
州萬泉縣丞楚州淮陰縣令所至之邦二千石必加禮意
薦而公牢讓勇退卑不可踰及為縣令也務清淨之理而
去其煩苦推明誠之本而教以廉隅一同熙熙生殖阜滋
楚風丕變幾至齊魯因喟然曰彼大爵美祿者在仁義與
樽酒而已太丘彭澤豈多秩耶於是放懷於外畚神於內
沉研象繫之表盤礴天人之際其致知格物不可詳已以
開元二十九年春正月捐館舍于淮陰年六十九其明年
返塋于河南府偃師縣光山之陽夫人博陵崔氏贈博陵
太夫人繼夫人隴西李氏後夫人同郡武氏贈彭城郡太
夫人飾終三加子貴故也公之才子五人長曰翺以博
雅典憲亮直方貞集作直方貞厲歷御史中丞在散騎常侍刑
部吏部二侍郎御史大夫贈戶部尚書謚曰忠惠次曰翺
更理詳明官河南府崔陽縣尉集作承次曰翺循良愷悌勲
德茂盛歷辰朗容三州刺史容管經畧使兼御史中丞河
中少尹翺方節度留後汾州刺史單于副都護鎮武軍使
徵拜京兆尹尋兼御史大夫再居大理寺卿為福建觀察
使入為太子賓客貞元十二年檢校禮部尚書東都留守
踐履藩垣逾四十年階至特進爵封本部次曰翺士行清
脩為秦州上邽縣尉幼曰翺文敏有幹裕歷監察御史三

原縣令著作即太子僕翔何若不幸登天翔亦命屈其志
而忠惠公太原公愬集休程爲宗工蓋程初愬惠公與書
宗代宗從容言天下事甚衆且曰文致太平在正名百職
危言悃悃痛詆權倖條疏理道坦然章明沃心前席倚以
爲相者數矣雖位竟不致而其遺風直聲慕乎天下太原
公剖符賦政累刻金石滅夷越劇賊開地靖人俸蒲也以
沉幾銷急變護單于也以尺書柔犢俗中外官師淑聲流
聞保釐尹正式是東夏安危注意未始有極言代德者以
公之保集無保字道未光而慶下鍾惟其有之是以倍之之故
也初以忠惠公扈鑾輅於岷峨其勤匪懈贈公隴州刺史
又以持節印冊命專對於北方間關忠力再贈公秘書監
復以太原公南服嘉庸三贈公爲工部尚書以轂下蕭清
四贈公爲太子少保以闕方報政五贈公爲尚書右僕射
噫嘻賢人教忠之業令嗣揚名之孝大君追遠之澤是三
者可爲至矣十七年太原公貞于龜策得二月壬寅吉於
是備八旒七章驚冕佩玉之飾博陵彭城二郡太夫人以
象服拊焉詔給鹵簿官司喪事慶靈集於一門光耀披於
九原君子然後知積德豐報之不誣矣至若忠惠之子爲
守臣太原之婿居台司諸孫昌阜冠映老組則列諸碑陰
以備代家斯茲瓌琰銘公德美集其詞曰
有匪集匪人君子兮德行醇備蠅駘集其詞曰赫兮峻閣弘義
觀我靈龜兮懼腊毒之厚味樹風百里兮馳蒲密之極繁

蒸和安靖兮闔境如春仲叔容儀兮與古爲倫全才不耀
兮流慶後昆惠惠既浚兮太原顯尊五加追命兮賁茲玄
璫隼旒龍劔兮以至師長澤流報葉兮恩及漏泉壽堂拱
木兮以集無橫蒼煙隨武可作兮滅孫有後崇嗣樂石兮
昭晰攸久吁嗟玉公斯爲不朽

故朝散大夫檢校尚書吏部郎中兼御史中丞

紫金魚袋清河縣開國男贈太師崔倕率相世系表作

神道碑

太師名倕字某清河東武城人太公望既封于營丘子叔
嗣侯伋之孫曰穆伯食邑于崔遂以爲氏後十四世至奉
康秉萊侯意如東萊侯之子伯基始居清河又十五葉生
玘爲魏名臣又九葉生休仕後魏爲七兵尚書七兵之第
曰寅爲樂安太守公即樂安八代孫始以門子補鄭州參
軍力行好學於子道以孝聞處伯仲間以友聞讀易至編
絕以精義聞至德中戎羯猖獗夏王師出征公少有奇志思
因時以自奮乃作伐鯨鯢賦上獻既聞集有爾果器之會
第五丞相以善言利得幸盡付利權始有鹽鐵使之目慎
選僚屬表公爲介轉臨晉縣丞處繁應卒鉅乃不集作預
府罷再遷至太子司議郎韓晉公時爲戶部侍郎掌邦賦
急於用材薦公爲監察御史主河東租庸之務尋轉侍御
史充京東平糶使建中初德宗始親萬機儲精治本有漢
宣與我共治集作之歎謂大臣求可當良二千石者遂以

公帶本官權知袁州刺史暮月有成詔書顯揚就加真秩
益以金紫居無何韓晉公爲丞相制國用思公前績乃傳
召之抵京師授檢校戶部郎中兼侍御史幹池蓋于蒲脩
牢盆謹衡石煎和既精飴散乃盈商通而荐至吏懼而循
法民不絀網而國用益饒歲抄會其所入羸羨什百詔下
褒其能轉吏部正郎兼御史中丞具加五等之爵方倚以
重任天富其材而不遐其福享齡六十有五貞元七年某
月某日遘疾終于治所上聞悼之因降愍冊贈鄭州刺史
賚錢三百萬以備飾終之禮明年某月某日遷葬于成周
之偃師從世墓也累贈至太師夫人隴西李氏汾州司倉
叅軍咸一之女生才子六人長曰邠及公終集作特邠爲
產拾遺後至太常卿次曰鄭後至太府卿次曰鄭至外臺
尚書次曰邠今爲廷尉次曰鄭至執金吾季曰邠今爲太
常卿同中書門下平章事惟夫人姑藏冠族以蘋蘩組紉
輔佐君子爲令妻積三十餘年以慈儉忠厚訓誡諸子爲
賢母二十有三年當未貞初順宗踐祚澤流自葉長子邠
時爲詞臣草冊書以文當進階遂上疏乞移榮於親優詔
允之特封清河郡太君士林聳慕皆自痛其不及邠爲太
常鄭爲大農咸白髮貴綬以奉膳羞諸季各以簪裾給事
左右愉愉然先意無違言世榮者舉無與比以子貴累封
贈至涼國太夫人元和八年三月廿六日捐館集作
七十有九是歲某月某日合祔惟太常及尚書集作

皆有中書舍人爲禮部侍郎凡五員能得士百四十有
八人言兄弟者許爲人瑞崔氏之制六人皆入文昌宮其
間三人歷八侍郎統而論之三代卿兩連率二翰林學士
一執金吾言冠冕者許爲世雄典諸戚李范陽盧世爲婚
媾入于姻黨無第二流言關門者許爲時表太常二子亦
以才能同入尚書璜爲吏部郎璜爲司勳即其他支孫未
登金閨籍者詵詵然魚貫而進文采集作業甚似而孝謹不
衰倚歟君子之澤其所從來遠而有光乎開成己未歲七
月甲辰相君受詔於明庭始操國柄仲冬奉常事于家禮
成起慕悄然求懷曰古者卿大夫廟有鼎墓有碑皆銘之
以紀先德也今備位宰相敢不敷前人之耿光乃俾家老

僚白事功咨於學古

集注

者徵其詞尚信也又命宗祝卜

柔日告于廟盡誠也儀甚

集作其非

備而敬有餘斯所謂達禮

之君子遂刊勒如式揭于道周銘曰

奕奕四姓崔爲之冠瞻其門墻倬若雲漢善積家肥子孫
多才如彼棟棟必生徂徠太公之後彌二千祀烟如貫珠
焯見圖史顯允太師丕承德基構于其堂亦旣墜茨生逢
艱虞戎夏交師獻賦伐叛忠存乎詞兵興事叢飛輓四馳
歷踐劇職視屯如夷乃主平糴乃分行使治粟爲邦其道
一致蒲實近地益爲利泓使車來思刻弊立程吏廉商通
歲倍其贏奏課連最德音褒明就加執法好爵兼榮天賦
之才不與壽并生樹德本歿揚叔聲上聞軫懷侑樂爲傳

贈穉之禮俸予公卿萬石貽訓根於孝友太丘種德乃稔
身後家有令子妻為壽母二十餘年人倫之首六子來侍
如龍如虎眾婦來饋維筐及笥佩玉鳴環交饗庭戶申申
秩秩歡不踰矩昔為甲族今為興門天爵人爵蔚然兩尊
集作先德蔭之黜集作如重雲孕和含集作粹濯潤本根
存

景毫之源圖書之川陽陵帝壇磅礴迴環世安其神世嗣
其賢聆德風者拜于碑前

文苑英華卷第八百八十九

碑四十七神道八

王爵一 此下三卷英華所編
失作者先後今正之

周上柱國齊王憲碑一首

唐義陽王李琮碑一首

周上柱國齊王憲神道碑 庾信

昔者軒皇受姓十有四人周室先封十有五國自爾承基
纂胄保姓受氏雖復千年一聖終是百世同宗故知昔之

東京既稱大 漢再受今之周曆即是鄴都中興公諱

憲字毗賀突恒州武川人也晉太康之世 始 據有黃龍

魏孝昌之初菴荒玄菟太祖以百二諸侯三分天下函谷

先登鴻溝大定功業如此入臣以終公含章天挺命世誕

生降太一之神下文昌之宿珠角擅奇山庭表德儀範
冷風神軒舉聳動廊廟光華城闕未逾韶亂已議論天下

事人或曰是謂弱木一枝十一事一作天下衣裘裳先

蔭數國長河一直自然垂里風飈欽遠光景將昇後魏二

年封涪城縣開國公時年五歲也虹蜺滿野是廢當途之

高鸞鶯鳴岐實始維新之命國家光宅受圖欽明秉曆太

風初卷長沙始封周元年進爵安城郡公食邑二千戶仍

授使持節驃騎大將軍開府儀同三司開府同於馬駿秩

擬六卿驃騎等於劉蒼位高三事宗子維城彼多慙色武

城二年授使持節大將軍都督益壽寧等二才

四州諸軍事益州刺史改封齊國公食邑萬戶公時年十

有六王武子以上持開府未滿立年荀中即為十州都督

才踰弱冠方之於公已為老矣加復營丘負海齊桓公受

服之城岷山導江漢武帝求仙之地自非名陵孤竹聲振

沉黎豈得南至穆陵西登積石幸無白虎之患寧待黃龍

之盟印笮畏威徵廬仰德生為立廟刻石頌功成都有文

翁之祀非謂生前漢陽有諸葛之碑止論身後比之今日

豈可同年而語哉保定四年與大司馬蜀國公圍金墉城

師臨洛浦則廣武營奔兵上邙山則河橋路斷八川風信

五方名利鐵市銅街風飛塵起天和元年徵還行雍牧公

以日月之明威神其政悉沮既從荆岐即又少陽用事路

不喘等仲秋以殷民無辜述二年拜大司馬仍理一作

冢宰營室殿軍器太監天官以邦國爲基是司六典夏官
以兵戈爲主專謀七德是以器械填委旣包吳漢之功官
殿崢嶸彌狀蕭何之法特以白露涼風務閑農隙督兵三
萬出自宜陽拔伏龍之城乎姚萇之壘馬陵削樹魏將路
窮平陰聽烏齊師其遁天子冢第禮絕群公仁義所徃事
資道德建德元年進爵爲王仍拜大冢宰姬旦封於曲阜
不廢居中劉交國於彭陽無妨常從豈直周召二南並居
師傅晉鄭兩國俱爲卿士而已哉匈奴突於武川燿火通
於灞上公述職巡御治兵朔方馬邑星飛一作龍城月動
撓留犁出漢書匈奴傳一作蒲桃非蒸漚經略不前失煙爻之山下馬
而去東隣逆命反道敗德囚箕子於寒庫罵文王於王門

天子將有孟津之師召公獨議公報以誕應天命克成厥
勲昔者秦昭起師於蜀直問張儀晉武用兵於吳惟謀羊
緒於是中軍無帥僉曰有歸五年拜上柱國元戎東討給
王鐵騎二萬先襲太原一作并州斗建麾兵天離轉戰虎嘯風
騰雲飛電掩林胡棗栗詎得允饑晉陽荻蒿何能拒防又
加王精兵六萬長圍晉州然後六軍星陳萬騎雷動中權
始及前茅已戰自爾即爲前鋒橫行入鄴觀彼車結槐本
馬驚旋渾積甲高昆陽之城尸封塞富平之水莫不如彼
建旆同斯破竹一朝指揮六合大定是用光昭下武翼亮
中都足以憑祖宗之宿憤解生民之怨黷疑作方當待彼
石閭部斯玉鼓經緯天地光華日月旣而赤烏夾日黃熊

入寢實沉無祀桑林不祭宣政元年六月二十八日薨春
秋三十有四季友之亡魯可知矣齊喪子雅姜其危哉公

器一作

壙

宇淹曠風神透遠瓊鏡照林山河容納置罇待酌

懸鍾聽扣聲動天下光照四鄰武皇帝以介弟懿親特垂
愛友而密謀奇策加禮敬焉常謂左右曰孔子云自吾有
回門人日親其齊王之謂也用之作宰則萬方協和用之

撫軍則四表懾伏豈直臯繇為士國無不仁隨會為卿民
無群盜愛翫書籍敦崇禮樂一作管絃入耳則溪谷俱調

文雅沿心則煙霞並韻養由百發落鴈吟後應奉五行綿
緗縹帙雍容舉止抑揚談論當世以為楷模搢紳以為軌
範則少有壯志頗校兵書玄水降靈穀城授策飛風長柳

八角星眉莫不吟誦在心撰成於手所著兵法凡有五卷
六韜九法一作不用吳起舊書三令五申無勞孫武先誠

可謂有忠孝焉有壯武焉不自驕矜疑作光下物宋人

獻玉不貪為寶百成子高守仁為富不謂以信致欺為善

非樂天年不享嗚呼哀哉以某年月日葬于石安縣洪瀆
川之里原隰悽愴埋於盛德幾年丘陵搖落蘊於才良未
矣乃為銘曰

悠哉朔方逃矣窮陰山連鳥道一作地盡龜林重黎紫表

伯翳功深胄其積德必有君臨大祖撥亂喪君有君一作

實君迴地軸策動天文猶臨赤水尚復黃雲諸侯八百天

下三分公之挺生寔惟天假羣微臣疑作降文昌星下照

于四國充于兩社左傳作阿舟楫江河棟梁華夏水通詞

鋒風飛文雅純深之性一作義極天經忠貞之道事感百

靈君親惟一臣子惟寧忠泉出井孝筭生庭乃宰天官為

國之輔是居上將為天之柱乃聖乃神惟文惟武策高關

闢威移雲雨九宮神畧三術謨明天離轉陣月德廻兵黎

陽水駭官渡山驚蕘州既載東原底平溟波欵運弱木將

危中峰岳斷半海鵬垂鳳沉丹穴龍亡黑陂臨淄廢市東

武山移千齡萬古英聲在斯

唐贈陳州刺史義陽王神道碑 張說

昔高祖之起唐侯葦隋命太宗之威四海正萬邦作藩帝

家用建王國二十一族堯之昭也十有一宗文之穆也王

肅琮字某文帝之孫紀王之子龍種異品鳳毛秀色仁義

天啓德威日就學無不探藝無不究故齊王之胤以爵推

恩周公之子以才分政惣角封義陽郡王弱冠拜歸州刺

史又守擅州又撫沂州若赦之舊荆人是懲單于之衝胡

馬自遠淮沂其又邦國不空遭王運中微投於南海書稱

大去憫失土之諸侯禮不迓誅議無辜之王子某年月日

蓬六道酷吏薨于桂林之野春秋五十神龍之初興廢繼

絕追贈陳州刺史王生不得志歿受遺榮信乎才之短長

不如命之豐約德之輕重不如藝之厚薄古集作矣季子

豫州刺史行休鬢亂羈旅集作託身炎厲藐是餘慶歸然

獨存泣血上請迎喪遠裔開元四年二月至桂州王同氣

三人往借遇禍殞殮無主封樹缺如歲月茫茫盡為野草
問鄰母而失處訪蕪童而莫識議者以為不可復得宜招
竟而改葬行休拊心蒼昊誓不徒還乃掃亭館設地席潔
齋懇惻覩乎幽報遂煩夜髣髴集作曲示其端夢魯唐書無此

字王乘舟舟分為兩既而適野見東洲中斷因忽悟焉陰
隱微明率此類也又靈堂鎖莖一夕自屈管上有三指幽

述一竒二並其旁織生文理布列成卦衆駭其異使善易
者張法著之曰屈者於文為尸出指者於義為指縱一竒

二並三殞近闕集作若引渦上集作揆之可以察先王之
心矣考夢勵卜定處刻辰以某月二十八日於桂城東洲

發見神板舉體咸備而一節闕焉行休甚痛惋若身集作
毀裂其夜又夢王告在南洛州唐洛州厥明直舊殞而南

十有九步沙洲痕下掘而得之安合如故他日北郭之外
又集無併收二叔父焉於是乎驗著之有徵也子千三旒

連軸歸飛遙遙百越經途瞻歎零桂人士集無以為羨談
夫至孝潛通精魄昭應虛無之見推步而有窈冥之體尋

求而致雖前誌所詳未有幽感反覆若斯之昭晰矣以某
年月日陪塋於昭陵栢城妃汝南周氏祔焉禮也妃考曰

駙馬都尉梁郡襄公妣曰臨川大長公主宗周玄胄大君
自出左右圖史循環法度邦有好速室無集作偕老以王

之故薨于掖宮初永昌之難王下河南獄妃錄司農寺唯
有崔集作氏女集無扉屨布衣往來供饋徒行頽色傷動

人倫中外咨嗟目為勤孝王之集無字二子配在嵩州及六

道使之用刑也長日行遠以冠就戮次日行芳以童當捨

芳啼號抱行遠乞代兄命既不見聽固求同盡西南傷之

稱為死悌君子謂勤孝者仁之厚也死悌者友之難也感

神者誠之至也此三者有以見義陽之義方賢妃之內訓

繼體之崇德夫如是淳羨上歸乎本朝盛烈延耀乎邦族

安可闕而不飾碑版無文而已哉銘曰

高丘白雲維堯大理函谷紫氣維周柱史百代福流手齡

運起富有海內貴為天子聖帝才子於穆紀王賢王祚胤

俾哉義陽慎徽九德九德有常允釐三郡三郡以康明夷

于飛川崖之下梁木其壞桂林之野不識阡陌無存松檟

于以求之人莫知者哀哀孝子眷眷靈夢語妙常閣文徽

甄仲南洛占從東洲億中舊窆移偏新棺改贈既克返葬

亦附山陵卜去其吉神心允憑人非地是迹謝名稱青青

松栢不顯不承

按州郡正神也碑

張說

珠玉無遠而登奉輪之飾實也松栢無地而入殿堂之楹

也物貴其用人亦如之按州上論云何者源出於足夫

何者源出於足夫

何者源出於足夫

何者源出於足夫

文苑英華卷第八百九十一

用刑也
神者誠之至也此三者有以見義陽之義方登地之內訓
體之崇德大知是序走上歸乎本朝感烈延輝乎那
安可闕而不備碑既無文而巳哉銘曰
蘇醉不醒不承
赤樹山刻小去其吉林以代潞人非此其喪攜各稱青青
鍾外南谷古我東賦意中書變越補滌洲以即酒京
年以末之入莫映昔冥京幸于卷眷靈夢品妙常閣文

文苑英華卷第八百九十一

碑四十八神道九

王爵二

撥川郡王碑一首

定襄王郭英又碑一首

常山郡王田緒碑一首

撥川郡王神道碑

張說

珠玉無遠而登輦輅之飾寶也松栢無幽而入殿堂之構
材也物貴其用人亦如之撥川王論方仁者源出於正末
城吐蕃贊普之王族也曾祖贊祖尊父陵代相蕃國號爲
東贊戎言謂宰曰論因而氏焉公有由余之深識日碑之
先見陋偏荒之韋毳慕上國之衣冠聖曆二年以所統吐
渾七千帳歸於我是歲吐蕃大下公勤兵境上縱謀招之

其吐渾以論家世恩又曰仁人東矣從之者七千人朝家
大勲授左玉鈴衛將軍封酒泉郡開國公食邑工千戶國

集作語曰犬戎樹敦國語守終純固今其俗獷而輕死其

法折而不撓故前代無降人中國集作無童僕自公之集

字拔身向化首變華風澤潞之間如集作見我州矣若夫

河南胡苑刈牧所利每歲冰合虜騎是虞中軍必謀於元

老亞將固選於時傑神龍三年以為朔方軍前鋒遊奕使

景雲集作二年換右驍衛將軍開元五年兼歸德州都督

使皆如故八年遷本衛大將軍改朔方節度副大使公之

理兵也堅三甲集作利五刃偶拳勇齊足力信賞罰分甘

苦六轡如手千夫一心接獯獫猶蚊蚋臥沙塞猶集作狂

席猶集作居露食垂二十年雨異而成師冰泮而休卒

寒氣入於肌骨夜霜入於鬚鬢人不堪其勤公不改其節

韓公之建三城也公洗兵諾真之水刷馬草心之山以為

外斥而叛徒安堵鄭卿之和默歿也公授館李陵之臺致

襄光祿之塞以為內侯而賓至如歸九姓之亂單于也公

四月度磧過白檉林收火拔部帳納多真種落彌川滿野

懷惠忘亡漠南諸軍躡其計也降戶之叛河曲也公千騎

奮擊萬虜奔走戡剪畧定師旅方旋而延陀蹊蹊唐書作

復相嘯聚上軍敗於青岡岡字集元帥沒於赤柳澗公越

自新堡奔命寇場羸糧之徒不滿五百兇醜四合衆寡萬

倍公殺牛為壘噉虜為餉決命再宿衝潰重固集作連兵

躡踵千里轉戰全薛公集作薛於河外反知運於寇手朔

方諸軍壯其戰矣研磨之奔也邀于集作於黑山口覆其精

銳布思集作市惠之背也追至紅桃帳掩其輜重乳洎之會刺

蘭池之狂胡木盤之役繆方渠之遁寇凡前後大戰數十

小戰數百筭無遺策兵有全聲集作勝是以六狄逃遁三垂

又寧聲暴露於天下業光華於世集作代載信皇威之所加

亦武臣之力也故錦衣寶玉允答戎功甲第良田丕承王

命集作丕承錫命帝錫二字集其智効累其集作未甚優寵黃頭黑齒

比價齊名積戰多瘡累勞生疹恩命尚藥馳往診之晉豎

已深秦鑿無及十一年四月十五日集作四月五日薨于集作於位

享年六十有六集無此二字制贈為撥川王稱故國本其志也

盧襲官封繼事集無此次子舊久特拜郎將十二年四月詔葬

於京城之南懷遠人也太常鼓吹介士龍旂虎帳貂集作

裘封葬殉馬吉凶之義舉夷夏之物備長安令摠徒以護

事鴻臚卿士集無此序賓以觀禮哀榮之道著集作極矣君臣

之義厚矣有命國史立碑表墓吾嘗同寮敢陳集作昧遺烈

銘曰黃河接天青海殊壤舉世安裕集作裕拔俗誰敢倬哉

論侯利有攸往奮飛橫絕搏空直上以衆欵塞因敵立勳

吐渾集作蕃萬戶吟嘯成群精感天地氣合風雲旣封酒泉

乃為集作位將軍朔方陰塞直秉集作獯虜帝命先鋒闕為

虓虎上北尸電集作北加漢南擊鼓數年之間集作十耀國

數年間

威武我有師旅將軍鞠之我有邊屯將軍育之柳澗亡師
一劍復之蘭池叛胡三戰覆之武節方壯朝霧集作不待
王爵送終宿恩未改時來世往集人亡物在集作人銘
勲謚忠以告四海

故定襄王郭英乂神道碑

元載

維永泰元年十有二月甲子開府儀同三司尚書左一作
僕射兼御史大夫劍南節度度支營田觀察使成都尹定
襄王薨於靈池兵故也夫懿文德者非謂禮君臣正上下
其謂經綸大難乎鑠武功者非謂鞠師旅威戎夷其謂翼
中興乎公名英乂字元武贈伊州刺史盱公之烈祖也隴
右節度攝御史中丞贈太子太傅知運公之皇考也產雲
赤亭樹勲青海世傳良將載在國史公河岳之粹將相之
器學劍輕短後縵纓讀書重金版玉匱天寶二載方筮仕
轅門累授左武衛大將軍節度涼國公見之曰代吾節制
者必此子也其後十年累代涼公為節度矣祿山之亂中
原也二聖偽遊三秦賊據汧岐重鎮非公不可制授公秦
州都督兼御史中丞隴右採訪使未幾賊將高嵩長驅幽
燕深入汧隴公外申郊勞內設庭宴饗未屬厭兵已合圍
賊黨數千應時剪滅繇是虜鏑不鳴於隴外皇輿始都於
雍上至德二年詔公為鳳翔太守轉西平太守加隴右節
度兼御史大夫吐蕃之逼西河也諸寇以堅甲乘城我以
偏師遇敵勝在於一作戰利當用奇選驍騎以襲虛張疑

兵以應銳前衝未及於龍島後勁已覆於梟巢邊捷書至

虜圍夜潰進封西河郡公思明之陷成周也南入陳蔡詔

公兼御史大夫統淮南節鉞東捍陝虢詔公兼陝州刺史

主闕外旄一作旌麾寶應之歲上乘龍躍之運寵虎臣之績

進戶部尚書加開府儀同三司仍檢戎一作舊職朝義之走

河北也公雷電勇畧風搏勁騎驅熊虎一作罷之師開龍蛇

之陣一戰而穀水破再戰而邙山拔十年逋寇一作誅萬里

如掃朝廷壯之詔領東京留守又兼河南尹俄拜尚書右

僕射封定襄王加實封三百戶永泰元年兼集賢待制夏

五月天子以劍門巨鎮推擇收難歷選朝廷惟公是授即

日加成都尹東西兩川節度兼御史大夫僕射如故是時

也入承日月之光出擁風雲之氣以孫吳為老生以韓彭

為兒戲千里為之震動百蠻為之惴畏秋七月西蕃犯境

公戎馬驟捷軍人擅還裨將懼誅乘間謀叛公擐甲擊鼓

單車入深引西山之數騎望東川之外救短兵未接追寇

橫及錐刃以通中而氣猶激射疆吏乘遽聞乎京師上投

袂而驚仍一作彌加悼惜有以見聖主之深仁重武臣之壯

節不問輿尸之過爰旌折首之功以大曆三年正月二十

七日詔葬于武功之先塋夫人鄭國夫人龐氏禮歸敬仲

誠及伯宗生則六珈受寵歿則九原同耐嗣子將作少監

嘉珍憤積嘗膽哀纏泣血飾觀蜀門歸魂秦隴一作甸力樹

祁連之冢思崇峴上之碣以載職在史臣業專文律琢石

旌美俾奮大猷其辭曰
否暋天地運鍾雲雷曄曄定襄
與時而來躬赴兵難志清國災推轂隴西士卒雲屯擁旄
陝東群寇雷奔五開幕府七鑿凶門以寡擊衆以亡易存
六踐柏臺商憲是張再登八座右揆有光同盟錫上異姓
封王勲崇業大位重名揚召對蓬萊作鎮梁益秋霜發令
春雨流澤望在股肱變生肘腋南圍既合短兵未進單騎
驟奔群兇兢振血殷朱輪首碎白刃魂歸萬里悲慟三軍
踈松蔽日孤冢參雲身歿冤氣名高戰勲

常山郡王田緒神道碑

丘降

維天以五星辨經紀維人以五常垂教化奉天者皇王牧
民者侯伯故五星失次舍而天綱乖五常悖倫理而人紀
壞非夫人神厭禍天地合德俾降英傑以靜邦家則無以
正綱紀成教化矣皇唐九葉今上馭曆之五載得佐命哉
難之臣曰田公諱緒字某北平盧龍人也系自唐虞盛德
載世祚于全齊醇仁酣和衰周鼎遷暴嬴璧返劉項用逐
正者得之則齊王橫去國隕身與義終始議郎疇立功逃
賞興讓淳澆十數世家于北邊議郎卽公之十五代祖也
至皇鄭州別駕璟生公大王父安東副都護贈戶部尚書
有遼虜護塞之勲而生不登貴位加之以齊王之秉節一作
義議郎之遺榮濬源茂本故尚書克生太尉承嗣歷檢校
戶部尚書兼御史大夫魏博具相滄德州節度度之一作
營田觀察處置等使尚書左僕射司空同中書門下平章

事兼魏州大都督府長史封鴈門郡王歿贈太保累贈太
傅復魏州大都督公太傅第六子也乘博厚之慶得堅剛
之氣君臣之大節理亂之形兆寔天賦不言而知侯王之
姿見于童孺太傅朗識異而噐焉以諸侯之嫡拜京兆府
叅軍兼五領騎士深得將畧鳴弓上馬雄稜挺然無何太
尉寢疾以或措置故事不歸於公聖朝載懷輯綏永顧勲
績爰命從子俾侯于蕃既履四封乃遷六官一有付畀于
天威惠在已主恩寵章赫赫煌煌孝未昭而忠墮正不悟
而邪及志惟悖德動則無名是以河朔塵飛隴右霧塞青
充既叶幽冀未一作同見多壘於魏郊發天兵於隴坻曠
日持久連年不平履危者若安處禍者皆樂置然相視孰

辯其非公斷天下之疑達天下之務以為君親可報也世
德不可墜也犯是二者生將何為於是歔歔涕流冀其感
寤靡有虛日而無正言及京師變生翠華順動人望愈惑
堅不可離星疑辰之間戎帥薨謝師人將士退迫公理軍
公清望威名衆所欣載且曰吾先公太傅之冢子也仁而
能斷嚴不至殘當去禍就福化危使安敢以死請期乎息
肩公雖懇辭人實誠奉於是三軍之裨將一作列城之守
宰及士吏卒伍大和會于旌門之外而聽命焉公乃陳其
逆順曉其利病西嚮稽顙如對天顏萬人歡呼式抃且舞
受公相誓如履夷途疑作曾不崇朝而獻狀行在于時黃
屋南巡于邑濮元兇僭盜于鎬京握兵者鱗差失節者踵

武公挺身禍敗拔跡危難掃氛殺之未開定危疑於已變
乃分遣寮屬結約諸侯迴成德向闕之心合昭義勤王之
志雖漁陽之勁悍比虜之猖狂公精誠顓天銳氣蟠地能
走馬實於魏壤覆朱滔於貝丘希烈勢孤賊泚援絕訖于
收復經啓自公巍巍碩勲孰與公比由是捷書上聞未幾
而降優詔拜魏博節度管内支度營田觀察處置等使銀
青光祿大夫魏州大都督長史兼御史大夫君臣之契運
昭泰之玄符千載一特燭見茲日及六龍駕還九有風清
然後議刑賞頒慶賜則公之茂績結于宸衷即日加工部
尚書節度等使如故上復以麾幢之任賢賢也腹心是託
親覲也親賢之選簡于帝心賜公姻戚尚嘉誠長公主公

主肅宗文明武德皇帝之孫代宗睿文孝武皇帝之子今
上之妹玉潤貞質蘭芳粹容德配元臣道光卿族降自九
天歸于列藩獎納忠之誠重匡戴之績由此見公之寵畀
群后也昔漢張敖曹窋皆因緣戚屬稱榮主第若公之分
茅胙土樹牙推轂上自袞古迄于聖朝一人而已尋遷尚
書右一作左僕射特封常山郡王食邑三千戶明德也改封
鴈門真食五百戶襲慶也公惠訓封圻按部師律恢皇威
以勉群師敷渥澤以潤蒸人禮讓興行廩積斯實修整人
絕統和天常夷難戴君每為已任朝廷褒是休烈爰咨弼
諧以本官就拜同中書門下平章事公既參廟謀又統兵
柄方將劔禍胎之未兆措理本於永貞張三光之明調六



氣之府致君堯舜身作夔益豈獨鎖結燕趙連衡齊魯嘉
言有聞而遽嬰寢疾以貞元十有二年四月十日薨於戎
府享年六十有三天子震悼不臨朝者三日列辟相吊邦
人大慘卽日詔遣尚書職方員外郎房挺申賻祿之恩備
君臣之分追是勲伐冊贈司空詔書褒寵禮加常典不踰
時而命公令子節度副使兼都知兵馬朝散大夫試光祿
少卿兼御史大夫季安纂厥戎政式光茂烈雖哀過乎禮
而義貴從權寧息魏人藩翰王國稟君之命移孝則忠生
而顯榮歿有遺祉薰灼今昔在公一門越以某年十月四
日葬我公魏州貴鄉縣金堤鄉吳河原邇先太傅之塋禮
也嗚呼公精彩則徹志氣雄厲性通事表心達化權二十

歲或三十作相俾魏博爲順本功以之高奉家國於正初
季以之大忠孝斯立福壽攸歸向蒼生失望國棟斯折今
古之恨何勝言哉公有子三人長曰孝和朝散大夫使持
節澶州諸軍事澶州刺史兼御史中丞充本州防禦使少
曰季直朝議郎殿中侍御史內供奉銀青光祿大夫檢校
工部尚書兼魏州大都督府長史御史大夫充魏博相貝
澶衛等六州節度管內支度營田觀察處置等使季安公
之次子也十五授鉞爲唐名臣固河山奕葉之封奉貴主
慈嚴之訓光闕前列其不朽歟公左右王家底靜藩闔功
勲一作豐功大畧書于碑史若乃垂休聲於開國之地申罔極
於元侯之恩刊勒豐碑光顯舊壤門入之事也追慕感恩

一有直而不文其辭曰三光昏霾兩儀否閉爰資英傑用

贊開濟天人合符斯人命世其塞直盧龍山橫紫蒙元精

委輸慶發于公其勲惟茂其德惟崇其建中季年兩河難

作淮圻怙亂燕趙濟惡洶洶鯨奔信宿歌搏其翠華順動

關右塵飛戎輅載駕苞茅不歸且懷疑顧孰就是非其時

惟我公拔跡艱阻率彼叛徒悉為王旅白日精貫丹誠自

許其焚焚燕寇畜禍稱兵動搖夏東應援咸京旌旗蔽野

獷虜連營其公仗天威修鄰叶志忠見于時秦生于否十

萬姦凶一敗塗地其帝嘉殊績乃授藩維輯寧有土惠訓

成師威令自肅仁風載馳其乃作宮師一作真食茅土窮

寵極貴封王尚主恩光顯融獨映今古其既司右揆爰陟

上台皇猷允穆俗阜爰來人望匡弼天胡降災其冊贈同

空念深宸宸道則致若人而知子帝命元侯傳封四履其

一高墳峩峩先隴之旁河掃通氣沙麓連岡歿而可作公

其不亡其十

文苑英華卷第八百九十一

作淮圻帖既就時濟濟海海...
關右塵飛戎鋒武焉...
德我公夜哪眼此率彼...
其不_{其十}...

其一 高貴焜焜去難之...
室念寒寒氣逆以姪...
王台皇燭尔懸谷身...
文苑英華卷第八百九十二

王爵三
涇原主帥南川郡王贈司空劉昌神道碑一首
武陵郡王馬公神道碑一首
南平郡王高崇文神道碑一首
故四鎮北庭行軍兼涇原等州節度支度營田等
使開府儀同三司檢校尚書右僕射使持節涇原
諸軍事涇州刺史兼御史大夫上柱國南川郡王
贈司空劉公神道碑
權德輿

惟南川郡王諱昌字公明貞師于安定十六歲歲直鷄火
夏五月甲子寢疾病考終命制詔祿以司空印綬而弔祠

重刊二

法贈集作稱焉於是內子諸孤宗姻家老盡誠信於內從

事大吏倫侯亞旅展匍匐於外叶志會事拂龜露著象數

皆得以條陳纖微必蒙於可報以冬十月丁酉還真宅於

京師其原禮也公之先彭城人楚元王交之後夔國公弘

基之族孫也大王父全慶皇汴州別駕王父達徐州長史

父庭王試太常卿贈徐州刺史三代醇靜不躋豐祿故天

爵覆露發祥於公公角犀鸞領魁岸碩大思暮泉深盛氣

陽禮記作揚休清明以虛受莊重而強立稟於端誠之謂

義發於慮憲之謂仁集有顯字揚天聲之謂武節修方任之謂

文事再居陪卿三佐列藩以宮尹中執法以騎省亞丞相

冬官宗伯比踐大職再受鉞而一撫封列王爵而食真賦

終於端右飾以論道其初守商丘授彭城下濮陽壁寧陵

釋陳圍復梁地集作皆急病肆力成功自著起沮傷以奮

擊化匡駭為休寧其守不可拔其功不可遏投難而智勇

俱殖酣戰而奇正合發兵法曰有必勝之將書曰存亡在

所用其信然乎始從河南集作節度張介然東討林胡殺

累居多次從宋州刺史李岑并城半歲劇賊遁去又從臨

淮王光弼汴國公勉每用上効揚于軍鋒泊劉司徒玄佐

始擁節旄錫宣武之號以族屬勲力賈餘勇無前凡希烈

之自寧陵走汴走蔡以至於死皆公之為貞元三年以偏

師八千承詔襲塞亦既旋旆俾營甸圻有尤違者連斬以

徇天子壯其忠繁未幾徵還沃心前席饗醴命有建行師

之節制自稟新書分上相之賦輿留屯便地明年正月進
律作藩彤弓玄甲物采備厚因六郡之氣俗用十連之教
理入觀宣室請城平涼屹為巨防乃拓故地而又險走集
以禦寇徙邑居以使人夷堯堉而制井疆斬荆棘以列達
市貨力具舉農戰交修邊關棄地宴然富殖長幼養老沛
然生聚隣有墜師者濟之棄甲者納之凡涇人之所未習
者皆優為之涇土之所未產者皆茂遂之昆夷攝一作聾
燿火訖息彼西土軌道繫吾謀實然理命不忘於信實遺
章備見其忠悃年止於六十五未極壽寵皇帝之所以恤
然加等良有以焉夫人吳國夫人陸氏柔嘉綢直婦道明
備長子殿中侍御史贈潁州刺史均教忠能仕不幸蚤夭

右威衛騎曹參軍士涇愨善有馴行與支子右衛率

府兵曹參軍士僚洎士良及士和等以德輿嘗受面命類

涇人聲詩馨香始終其傳信也孰將篆樂石載徵非詞中

郎二碑竊善頌於無愧春秋五例冀終義於後經銘曰

疊疊南川得時經武大君有命式是西土西上濯征衆心

成城壽甲凋戈涇師以貞隼旗驚冕涇俗以寧肆厥忠力

秉茲義程凡在五符至於白徒制為田廬亦有賈區寔墉

寔畝交贊令圖嘉生油泖比屋愉愉昔誓偏師士皆致果

如使臂指可蹈水火孰云危事決勝在我狂狹內訌惡氛

濛濛濁河而肅或守或攻陳壁既捷夷門乃通時惟南川

實冠群公乃分兵符乃鑿鑿器服物昭庸天休茲至勞動

心力弘大功和師則嚴終公惟盡瘁智氣冥冥發揚昭明
下平水土上助神靈輅葆參差丘封崢嶸立此堅石於昭
厥聲

武陵郡土馬公神道碑

熊執易

大唐將軍能扶贊神武斬艾不王者曰太尉扶風王薨二
十二年而長子蔚州牧御史大夫武陵王鉞自朔易歸葬
于萬年銅人原貞元戊寅歲五月六日克定焉禮也嗚呼
自代宗末洎今上貞元二字一作第三元二紀之間所求乎高明

昌盛之家伯仲肯構之力而能保勲烈於上繼事業於下
包前慶以滋大食舊德而日新者蔚州有焉公諱某字某
其先茂陵人在堯舜揖讓之盛則庭堅作士而五刑五流

堯明伯益作虞而草木鳥獸咸若在殷周質文之極則造

父啓風疑作封而秦始皇大宣孟作忠而晉蕃衍此其泉源之

奧焉泊炎靈反動伏波爲漢室天柱文教中興南郡爲孔

門一作聖木鐸此其祖宗之表焉在皇朝松安雋鄴四府都

督隴右節度加郿鄠三州刺史右武左武二衛大將軍扶

風公食邑千戶贈光祿卿府君諱正會公之曾祖也左司

禦率府兵曹參軍贈太子少保府君諱晟公之祖父也四

鎮北庭涇原鄭穎等節度使開封儀同三司尚書左僕射

知省事兼御史大夫扶風郡王贈司徒太尉府君諱璘公

之烈考也於戲在玄宗時太尉仗劍萬里建績二府實獵

邊陲振揚公闡于戎狄莫不內侮蓋神貺靈慶公生伊

西寔忠精是感也。在肅宗時，太尉乃唱大義，以踰絕域，提一旅以應王師。既清西夏，乃定有洛功。蓋郡帥勲在二京，公與母弟績戀于大荒，來寧上國，覩茲盛業，寔勲烈有嗣也。在代宗時，太尉乃總大兵，居上將，載雲旗，控朔陲，旄頭銷于昇穀，蟻聚遁于虎落，業揮而載氣，讐戎旃火，烈其威金聲。方革羶腥，不敢邇邊者十年，公實耳日旌門，手足闐壺萬鍾之賦，自我以財，威七校之雄，多予以暢，遂寔父蠱裕而天寵，浹內行，積而公議歸也。故公自初命，四遷至太子左贊善大夫，歷光祿少卿、左饒衛將軍，從祖司徒節制太原，奏統中軍兵馬，拜左衛將軍、武陵王尋加御史丞，丁內艱，起復右衛將軍，兼雲州刺史，大同軍使，遷代州刺史。

代北軍使為本道所請，復將中軍，兼御史大夫，遷蔚州刺史，史橫野軍使。代北都知兵馬使，嗚呼公之致身也。以言乎天性，則挺奇表於勁俗，叶嘉慶於神州。狗國可以彰忠，克家可以明孝。以言乎朝容，則階貴胄，以統環衛，著通籍以履周行，仍朱戶可稱赫翼宸居，是謂嚴重。以言乎邦正，則本慈惠以撫三郡，導滋殖以厚萬人，乘塞寢柝智也。告終罷市仁也。以言乎戎律，則盡瘁以被乎戰陣，戮力以承其師，帥書功在代郊。一作書功可不曰勇哉。啓手足歸全，可不曰果哉。總衆美而可覆，恤平昔其故。一作如一作在方藹。一作有茂實，論無媿辭。夫人南陽郡樊氏，故侍御史衢州別駕晁之女，之死之歎，母天莫移，嗣子前汾州

平遙尉澹次泳湘漸泐深免喪之哀心目皆瞿長女歸濮
陽吳曾次服沙門之教次歸汝南周邕泊幼女三人婉稚
年以室處公之令弟皓右神武軍將兼御史中丞稟天策
以警紫垣統禁旅而環黃屋貞忠一德向力帝家存沒永
違茹哀天壤次晞前太常寺奉禮郎次擘前揚州參軍並
耀弘文館明經盛矣夫光祿之威愴西陲少保之道高齊
俗太尉之神扶聖祚君侯之惠敷朔郊將軍之忠衛宸極
君子曰田宗三王彼可全矣石氏萬石我何謝焉嗚呼非
夫人明柔慈愛孰撫吾室非愛弟仁厚忠肅孰昌吾族而
諸孤能承佐先軌懼隕厥問周爰叔父之仁旨載王景行
之遺烈敢稽代緒以表道周銘曰 將星有耀燭天煌煌
武庫多材我宗最良在昔光祿登壇保疆乃擁節旄以扼
河湟左衽畏慕右地雄張降及司徒其道大彰遭德孔艱
致命一匡既復區夏乃執豺狼彤弓專征元戎啓行實倡
九牧以定四方賢哉長嗣居焉廟堂庸勲是承父子皆王
再秉龍韜中軍以揚出援魚符北地周康古人有言過逸
前光令子罔愆繼序不忘精騰魄復天望地藏高墳揭然
豐碑在旁雨露旣濡松柏蒼蒼獨有代功著于縑緗

南平郡王高崇文神道碑

韋貫之

唯聖奉天刑奮神武振起隆平之運者非得臣無以成其
業唯賢抱英略任艱難垂鴻不朽之績者非偶聖無以展
其材故欲理之主興則佐命之臣出天人之際厥有明之

一一作應期感發若合符契皇唐十一葉明天子受位將懲
禍于四方天錫以忠武之臣登翊鈞衡贊揚威烈此聖賢
相遇者以其天人合發之運歟侯誰膺之則南平王其人
也公諱崇文其先齊太公之胄自敬仲得姓而望於渤海
及容止齊高止字子容奔燕或家於范陽今則為幽潞人也奕世
以禮義傳家法至公七葉無分居異財化行於鄉黨開元
降制使存慰及旌表問問者咸至於再曾祖藝朝散大夫
試汴州長史祖夔試梁州司馬贈梁州都督考行暉正議
大夫試懷州別駕贈戶部尚書咸晦名垂裕慶不在其身
公鍾天之靈發地之秀膺時之傑起聖之期幼觀儒書不
屑章句雅尚義節制存功名遂學兵鈴習騎射術窮秘要

聖祖國能天寶末胡夷之難因投筆硯事平盧軍偏裨隨

鎮淮右寶應中代宗避狄陝服公從戎師父赴難行營扈

歸還京策勲居最其後智光之稱亂陰晉靈曜之倣擾大

梁崇義之負固襄漢常卒焮作別部為前鋒功冠諸軍累

官執金吾太常員元初始授陳許節度都侯及領所部隨

韓全義鎮長武城神策淮南陳許浙右四軍同戍公總其

侯奄之任臨下簡肅士衆說而歸之尋加開府儀同三司

始受蒲瑩啓封渤海五年敗大戎於寧州軍師書勲授節

制之號公亦遷職而進封為王及全義還朝委以留務四

遷至御史中丞十四年遂為長斌大使卒伍貫于素隸紀

律明於先令劃壤為寨風塵不驚徹田為糧榛荒盡闢訖

五六載昆夷不敢東顧邊城晏閉二十一年就遷御史大夫自至德已還天下多壘擁旄守土者至五十餘鎮每主帥就世將吏有得其柄者多假衆怙力以求代襲朝廷每不得已因而命之是歲也西蜀戎師相國韋公其佐劉闢將踵武前事乃拒詔命逼協使臣圍逼梓潼爭據劍門之險今上深惟宿弊將一戎衣以正四方謀於廟堂宰臣社公黃裳贊定其策因薦公可任大事元年正月拜工部尚書右神策行營節度總護諸將便道南征公之在鎮繕甲兵勵士卒常如待敵及奉詔而至即日進路三革五刃無不完具前軍剋劍閣遂解重圍危城載邑失地全復即授東川節制轉兵部尚書左丞奮師敗劔之餘當爰夷焚蕩之後附巡創瘡懷輯逋離敷悃梯之仁起常傷之氣義勇爭奮羸餓者來蘇賊衆退保曲頭我師進至羅江縣相拒半舍自五月至於仲秋小戰則小利大戰則大利奪其險要挫其銳氣賊乃堅壁不敢爭鋒然而憑高阻深綿亘十里我攻彼守衆寡相懸候便宜曠歲月則傷財留費稽我靈誅乃表請濟師以圖大舉及軍繼至則分命勇銳入其心腹絕其餼糧介於連壘之中而軍焉且俾申輸前詔開約降之路其大將仇良輔等執送闢子方叔及婿蘇強率一作衆四萬餘人束手候一作侯命公乃俘二孽以獻釋將卒之縛復授以兵俾還龍壘無彼我之虞軍吏咸有獻疑謂非受降之道公曰彼逆以迫兇威父母妻子爲其劫質今

既窮歸貫死夫何懼哉遂使降衆先驅連營旅進闢率餘
黨奔於西山公遣大將高震寓鄴定進以輕騎追捕及位

疑于陽二唐書作羊灌田關奔馬投江二將倒戟而出之遂擒

以至械送闕下行獻告之禮而戮焉公入成都申嚴禁令

無敢侵掠市不改肆農不易畝百姓感悅如霽重陰而熙

愛日也又以天子恩澤布于一方脅從誑誤者咸宥其罪

斬賊將邢泚以徇曰莫如此偽効誠欵陰持兩端三軍接

蘇如振塵埃而濯江漢也粵以十月遷檢校司空領全蜀

十有三州外達諸蠻成泉安武一作撫賜實封三百段本傳作戶

封南平王侍從之臣紀功篆石建碑于鹿頭之下蓋今相

國裴公之詞斯為不朽矣是役也師人貨費皆仰給有司

量估僦直歸于幕府凡計緡百四十餘萬其用未半而寇

難平王者請私贏公曰有土實可以奉軍國財非所宜隱

盡命列上歸之縣官時蜀之府藏竭無以賞功佐吏請重

稅編戶公曰恩未及而遽徵歛人將不堪但命閱簿書籍

逋責得以備用昨不益賦無敢欺公常欲斥西戎復涼

隴自居益部亟以急病為請願守邊陲天子壯其忠且將

附以一面之寄乃授相印仗鉞於邠京西諸軍都受統制

邊城動洽威惠故以不約而信不令而嚴居三歲戎政允

理將朝於京既而有疾猶扶強首路則以展軔効駕而大

病至焉以元和四年九月二十有五薨于官享齡六十

有四軍府哀慟如喪親戚皇情震悼不聽朝者三冊贈司

徒期以米粟布帛有加常等禮官考行謚曰威武明年正月二十日葬我司徒南平王於萬年縣設奠於國門之外百官成位弔哭以送君臣之義厚矣哀榮之禮備矣夫人董姓汝州長史同彌一作珍之女正位中閫佐佑仁賢翟第未榮鵲巢空在春秋三十有一以大曆十有四年五月一日終元和三年追封郇國伯茲啓殯淮右從公于居嗣子金紫光祿大夫行思王傳上柱國上谷郡開國公食邑二千戶士政次子檢校秘書監兼御史中丞士榮季子左衛率府曹參軍士明漸清義方事由忠孝保持門戶克續家聲君子知南平之業為不忘矣惟公氣勇烈行易直內器劔距外不矯飾其治戎也持重有節制信賞以勸之明

言以齊之嚴不近苛苛必合
一作正每臨敵制變勵如

獸一作迅如風雨啓行助雷霆之威斷後保阿山之阻故

攻無不剋守無不因其牧人也使之蠶而衣稼而食不奪其時不竭其力載其清淨一與休息故不能親舉而潛飲其得蜀川隆富首冠藩服我以功而居有之是宜保尊榮安暇豫矣然而不屑寵利徇國損躬振高風激時弊子文逃祿去病辭第訂之於我彼何瑣細四紀事軍旅百戰成勲庸遭逢盛明升受鼎載有賢人可大之業張聖后神武之威獨立一時我無慙德自迴餘南藩作行西鄙朝廷以之倚仗四國以之瞻仰貪亂稔禍者竊視惕息徹其邪謀嗚呼天不憖遺奪我何速公之冢嫡以賈之常學斯文謬

學書命授以不刊俾傳信詞採遺烈於世家無慙實錄奉
孝思之誠託有愧當仁式表新阡永昭神道銘曰 幽朔
之都浸遼鎮碣氣象盤鬱英靈峻發克生南平挺爲人傑
幼秉忠壯蹈茲武節_{疑作} 絕天寶季歲
胡夷猖獗爰執干櫓遂從征伐屢憤豺牙頻探虎穴勲名
克樹爵祿有列惟天因人惟人奉天惟賢侏聖惟聖資賢
靈命陰鳴有開必先自昔多難方隅擅權操兵襲位四紀
之年光燦我后雅斷精堅將致武訓俾夫頑遷蠢爾庸蜀
負險專地帝謂南平總戎爲帥式遏亂畧輔成吾志南平
秉鉞如火烈烈取彼兇孽獻于天闕式共沾亂必寘夷滅
萬邦震驚九截荒札樂土全蜀任雄一方西平蒞止匪居
匪康我懷急病整守西疆帝庸嘉節于_於斯_與受委茂統
登榮相印鼎鍊方_能干戈未衅任重道遠時行運窮舟移
巨壑日下高春摧燕壯氣惻愴遺忠縛禮歸厚明思有融
哀哀令嗣克孝惟終篆記樂石昭明世功奮乎千載式是
英風

